



孫西菴先生集序

西菴集者翰林典籍孫先生仲衍所著先生嘗讀書羅浮洞之西菴因以名其集云公生元季避亂山澤問東筦何真保有南海

洪武改元征南將軍廖永忠至蕢說真作書請歸永忠不戮一人而南海帖然蕢之力也徵入爲翰林三載求補主簿平原旋被召改蘇州府經歷以事謫戍遼東怡然就道及以黨禍誅臨形之日賦詠自若竟不置詞辯識者謂其齊苑

歷代詩選 片
生于一致云

西晉書 卷之十一
明詩卷之十一
南海孫 黃著
後學曹學佺閱

石倉十二代詩選

明詩卷之十一

西菴集

大明

南海孫

黃著

後學曹學佺閱

行行重行行

岐路一尊酒送君久遠行
交待未及竟絲管激
哀聲冉冉歲華暮悠悠
雲氣征馳車戒往路惻
惻傷我情我情默已傷
歡愛不可忘昔為春花
妍今為秋草芳秋草芳
有時夫君見無期獨宿
坐長夜淚落如縷縻白
日儻回照孤懷君所知

今日良宴會

南園有佳人窈窕桃李顏容華一何麗顧盼生
光妍進退禮自防秉德幽且閒良媒候嘉意君
子希令言鴻鴈念儔侶睢鳩鳴河間盛年若流
水隱處獨長嘆

西北有高樓

華月散高樹列曜何參差流光射結綺思婦慘
中闌良人涉遠道感嘆夜何其清聲發妙曲宛
轉有餘哀妙曲固可聽餘哀知爲誰春至桃李

妍歲暮華色衰居然獨處廓顧影久徘徊

明月皎夜光

離離谷中樹燦燦春華芳枝葉何盛茂忽然隨
風揚流光有凋換物理安可常擾擾路傍子哀
歌使我傷杪秋天氣肅白露結嚴霜攬衣不能
寐起視夜何長明月出東壁衆星羅縱橫歲暮
鶡鳩鳴百草青自黃遠道者誰子驅車登太行
太行鬱嵒峩天路無津梁興言念同志涕下沾
我裳

庭中有奇樹

洞庭木葉下悲吹激微寒美人倚脩竹凝睇九
疑山層雲沒遠嘯軒車絕來還旣懷文玉佩復
采澗水蘭結言欲有贈天路遠險艱沉憂坐將
老歲月銷令顏

迢迢牽牛星

北風吹雪霰同雲四垂陰惠而能好我寄以瑤
華音蟋蟀入床下晨風飛北林川梁限楚越思
子闐傷心

東城高且長

咸陽九原上昔日冠蓋塲秋風動禾黍曠野浩
茫茫大化無停留榮耀安可常煙雲迷五柞榛
棘沒長楊時運理則然來者徒自傷所以放志
意酣歌稱我觴鳴箏縱繁響緩此幽思長回車
長樂坂將去復彷徨願爲雲中鴈寥廓恣高翔

凜凜歲云暮

江潭十月交霜露萃郊原卉木無留榮百草日
夜乾鴻鴈鳴洲渚猿狖悲空山閨人念遠道撫

節涕汎瀾川梁一睽隔寃夢夜不安厚愛君詎
知新恩忘前懽忠誠不見白剖心良獨難望望
千里道無由生羽翰

客從遠方來

妾有錦繡段文采裁爲衾上羅連理枝下織雙
飛禽惜此嫁時物珍之比南金良人隔山海歲
月亦已深願因飛鴻翼寄以表此心

南園

詩社良讌集南園清夜遊條風振絡組華月照
鳴騶高軒敞茂樹飛薨落遠洲移筵對白水列
燭散林鳩雅興殊未央旨酒詠思柔玉華星光
粲錦絲雲氣浮麗景不可虛衆賓起相酬長吟
間劇飲楚舞雜齊謳陵陽杳仙駕韓衆非我儔
聊爲徇時序娛樂忘百憂

道上行

高林翳當道莽莽秋向深回風亂落木驕陽亦
化霖我行泥塗中淒厲入我襟白日晦平陸玄
雲生夕陰歸鳥靜不飛暝猿長哀吟感此時景

邁况將陽月臨不怨行路難所嗟歲駸尋悲鳴
激楚奏思苦調南音鍾儀久已死誰復知此心

期羅浮蕭鍊師不至

石室松桂秋涼風滌殘暑柴門敞空曲曠夕懷
仙侶巢笙久不至鶴馭今何所朗月流清輝山
中幾延佇

南園懷李仲倫

幽獨攄雅懷逍遙步南園繁卉耀陽德嘉木秀
春暄時暘燠土膏流漸漲通川荃蘭揚朱英山

礬炫文軒垂楊列曲渚鳴鳥何關關展席芳醕
陳開觴羣物妍顧瞻失儔侶高情寄所宣馳思
望遠人遙在伊洛挺賢勞事會計日昃不遑安
聊復縱長吟引領希令言何能此會合宴樂紓
我虔

寄王給事佐

休沐展幽眺步出鍾阜阿卉木益春風淮水揚
素波泛泛波上鷗游泳鮮羽儀端坐愧此鳥長
遊成蹉跎安得理歸檝翩然解珮珂揚舠過關

歷代詩選 明孫仲行 五
右鼓枻入江沱友于事讌集物候方陽和酌酒
南園上與君同笑歌

送王給事南還

良時幸一邁嘉運難再逢流序若飛電倏忽歲
云終羨子瑚璉器林麓隱高蹤適此徵俊彥奮
起惠家邦觀光克上賓恩禮赫以隆金門拜給
事百辟肅敬恭廻翔忽歛翼言歸滄海東昔若
雲中鳳今若南飛鴻出處各有道顯晦詎能同
微君慚苟祿仰首慕清風文成德亦著節立道

斯崇願言秉夙志永保貞素躬

秋風詞

秋風嫋嫋天氣晶寒虫唧唧霜露零白雲孤飛
鴈南征念君歲闌遠遊行長年驅馳竟何成閨
閣盼望空皦皦哀來傷秋百感生感極涕淚沾
衣纓何人月高彈鳴箏繁絃急絲攬離情銀河
橫天湛空明哀猿寥寥其淒清微禽安栖夜不
驚夫君胡爲未遑寧

將進酒

青瑤案上離鸞琴一徽已直千黃金開樽花下
對明月欲彈一曲還沉吟沉復吟幾低首彈商
聲勸君酒雍門風樹春蕭蕭地下田文骨應朽
不賦織婦詞
吳中白紵白如霜春風入衣蘭麝香二月城南
桑葉綠新蠶初出微於粟採桑日晏携筐歸夜
半懸燈待蠶熟繰成素絲經上機兩日一疋猶
苦遲織成裁衣與卽着妾寧辛苦教卽樂家中
貧富誰得知卽無衣着他人嗤

古鏡詞

貧女池邊得銅鏡鄰媪歡呼喜相慶持歸鉛粉
三日磨龍影模糊面猶瑩機中剪素爲鏡囊染
絲繡作雙鴛鴦橫看豎照心不厭借插金釵學
上堂廢銅雖獲惜於寶無錢買新舊亦好誰識
青樓金鏡開珍珠綴匣瓊爲臺

南園歌贈王給事彥舉

昔在越江曲南園抗風軒羣英結詩社盡是琪
林仙南園二月千花明當門綠柳啼春鶯羣英

組絡照江水與予共結滄洲盟滄洲之盟誰最
雄王郎獨有謫仙風狂歌放浪玉壺缺劇飲淋
漓宮錦紅青山落日情未已王郎拂袖花前起
歡呼小玉彈鳴箏醉倚庭梧按宮徵哀絃泠泠
樂未終忽看華月出天東裁詩復作夜遊曲銀
燭飛光白似虹當時意氣凌寰宇湖海詩聲萬
人許酒徒散落黃金空獨臥茅簷夜深雨分飛
幾載遠離羣歸來城市還相親他時重賞舊遊
處蒼煙萬頃波粼粼

廣州歌

廣南富庶天下聞四時風氣長如春長城百雉
白雲裏城下一帶春江水少年行樂隨處佳城
南南畔更繁華朱簾十里映楊柳簾櫳上下開
戶牖閩姬越女顏如花蠻歌野曲聲咿啞崙峩
大舶映雲日賈客千家萬家室春風列屋艷神
仙夜月滿江聞管絃良辰吉日天氣好翡翠明
珠照煙島亂鳴鼉鼓競龍舟爭覩金釵鬪百草
遊冶留連望所歸千門燈火爛相輝遊人過處

錦成陣公子醉時花滿堤扶留葉青蜺灰白盆
釘檳榔邀上客丹荔枇杷火齊山素馨茉莉天
香國別來風物不堪論寥落秋花對酒樽回首
舊遊歌舞地西風斜日淡黃昏

羅浮歌寄李長史

亭亭西樵峰宛在南海湄日華麗仙掌影漾金
銀池我昔扁舟恣長往凌風浩蕩煙霞想尋幽
更欲探神奇復向羅浮事仙賞仙家三十六洞
天羅浮巽與滄洲連丹霞射影四山靜羣真環

珮來翩翩藥珠之峰數千丈君時與我緣蘿上
水簾直下飛晴虹萬壑天風度流響山中劉郎
司玉臺仙書授我琅函開心如明月爛虛照身
與浮雲同去來此時會合那能再塵土分飛忽
三載我行奏賦登金門君亦乘輶渡淮海淮海
迢迢煙樹深相思歲晚結愁心長風萬里碧雲
遠何由一寄還山吟山中洞房春寂寂山中之
人長嘆息松花酒熟人不歸瑤草春風幾回碧
驪山老妓行補唐天寶遺事戲効白樂天

作

秋風楊柳凋金縷
冷露芙蓉落芳渚
寒香晚色何所如
驪山唐姬教坊女
蛾眉淡掃山遠碧
蟬鬢半拖雲亂吐
時粧無復新妖嬈
曩態猶存舊嬌嫵
我昨咸陽縱冶遊
冶遊爛熳遍西州
青山直抵雙龍闕
綠水橫過五鳳樓
南國佳人金錯落
長安公子玉驄騮
銀壺送酒青絲絡
皓齒當筵白雲謳
琵琶橫笛空聒耳
唐姬搗箏妙無比
請彈一曲久含羞
呼喚百迴方強起
移柱相參

鴈成列調絃未就
人先喜俛首斜拖珠步
搖向人高露春纖指
樓高韻發響泠泠
急管悲歌一霎停
初聽乍如風雨至
再彈還作鳳凰鳴
清如玉女鈞天奏
壯似雕戈出塞聲
澗水帶冰時哽咽
春雷震石忽憑陵
憑陵未已旋清悄
恍惚漸凝聲漸小
四座無言俱寂寥
餘音已斷猶縈繞
溶溶宛宛復悠悠
切切淒淒還窈窕
深閨斷蚓怨寒宵
淺谷嬌鶯破春曉
纏綿萬恨與千愁
婉意柔情不肯休
蔡琰胡笳悲紫塞
班姬團扇掩

清秋樓前皓月明如練天外行雲疑不流促拍
未終南內曲新腔忽過小梁州梁州一摺月向
午唐姬此時心獨苦銀甲悲深不忍彈哀腸斷
盡無由語低籠翠袖搵香淚翻使歡娛變淒楚
訴盡平生富與貧可憐人世今成古憶昔開元
正太平兒家生長在天京十三學舞曾驚座十
四擲箏能擅名玉貌羞花長窈窕宮腰怯柳更
輕盈春寒不離鴛鴦枕日晏方開孔雀屏五陵
年少秦川客爭愛兒家好顏色殢雨尤雲最惱

人追歡買笑寧論直聲名每出流輩上風致獨
覺傍人惜承恩况得登掖庭宛轉隨龍侍君側
海晏河清久息兵四夷賓貢盡充庭炎方已見
來丹荔交趾還聞進雪鸚耀日香車連紫陌飛
雲畫棟列朱甍空濛一片笙歌海浩蕩三春錦
繡城驪山山上多樓閣萬戶千門通碧落大駕
深居在九重四時多暇惟行樂已營連昌勝結
綺復起芳鳳齊花萼壺飛玉女遞更籌舟戲金
龍動鱗角侍臣傳勅選嬌容特許兒家步輦從

宮扇影移花雨外山呼聲沸錦雲中千株火樹
爭明月萬炬金蓮鬪彩虹子夜歌詞翻白雪霓
裳舞隊散旋風歌停舞歇徘徊久銀箏獨進織
纖手明眸麗質一當前含顰美人俱在後數聲
清響動絃索八面涼風開戶牖艷曲新裁萼綠
華中官催賜葡萄酒年年秋月復春花多在宮
中少在家嬌笑不愁宮監怒艷粧長得阿姨誇
朝遊複道瞻天表夜步西廂拜月牙鬪草經春
陪虢國藏闈竟夕伴昭華韶光忽逐流年轉野

鹿嚼花上林苑鐵騎東來鳳闕空金根西狩蛾
眉遠上方無復聽宣召新籍寧辭避差遣約臂
金環雨雪寬凌波錦襪風埃蹇星移物換得無
情得向驪山悄地行紫禁無人芳草合瑤階雨
過綠苔生歌臺索莫花千樹舞榭蒼涼月半櫺
繡閣秋陰連瑣闥銅仙清淚落金莖高梧隕翠
蓮飄玉太乙鈎陳看不足百子樓寒霧影昏長
生殿古燿光綠宮墻瓦落見蓬蒿輦路塵生走
麋鹿舞馬雕牀惱夢思花奴羯鼓驚心目故宅

歷代詩選 明孫仲衍
新人作宴遊內家紅錦別纏頭珠簾綉柱俄成
夢鳳管龍笙總是愁舊曲聞來看自歛盛年說
着口應差飛蓬短鬢難禁白老屋踈茅不柰秋
舞衫長借鄰人着同伴相呼只推卻臉玉香
翠靨消淚珠暗逐燈花落憂來倒插黃金鳳
裏時彈白翎雀百感中來不自由芳心一片從
誰托唐姬言語一何長句句凄其字字傷滿座
聞之聲唧唧沾巾我亦爲浪浪滄桑轉瞬誰能
識富貴浮雲安可常覽鏡每聞悲素髮舉杯長
欲勸流光唐姬亦莫懷抱惡自古佳人多命薄
傾城西子逐鴟夷絕代明妃嫁沙漠尊前有酒
且歡笑身外閒愁付冥漠皎月秋來幾度圓穠
花春盡從渠落唐姬攬涕復陳情請作驪山老
妓行桃李風前霜月下長吟詎足慰平生未因
水上琵琶語那識江州司馬名爲爾臨風歌一
曲百年哀怨起秦箏

題高彬白雲山房手卷

高彬昔年喜學武七尺長驅力如虎往昔追強

過營門日來從戎事藩府錦袍白馬金連錢騎
將校獵城南邊鼻頭火發不知焚耳後風生猶
着鞭秦楚山川歲華改萬人零落惟彬在腰間
不挿黃金符卻向詞林學文彩白雲遠在藩府
陰馳驅疋馬恣幽尋秦臺古樹挂秋色堯澗水
泉清客心娛遊日夕歡不足更傍山腰結茆屋
多種琅玕引鳳凰大開門徑邀麋鹿雨籠歸洞
白雲閑鬢鬢綿聯窻戶間月映餘輝長不夜雲
拖曉靄似巫山山中白雲如白石旦暮與雲同

柁席雲來萬樹似開花雲去千巖同一色何年
作客帝皇州卻按新圖憶舊遊紅樹不知淮水
晚白雲遙認故山秋故山白雲長自好且莫看
雲被山惱他年謝病解朝衣我亦從君拾瑤草

戲贈端孝思

君不見長安遊俠兒銀鞍白馬青春時朝出呼
盧夜飲酒美人娟娟照窻牖若爲君作梅花仙
不隨桃李爭春妍獨夜可憐邀月飲一春長是
背花眠

次武昌

大風吹船如馬走船頭水聲作牛吼挂帆初發
岳陽磯轉枕俄灣武昌口武昌城頭黃鶴樓飛
簷遠映鸚鵡洲漢陽樹白煙景濕行人如鷗沙
際立江南風土寒氣遲居人九月着絺衣酒旗
臨江開竹屋當壚小姬能楚曲蜻蜒船尾旋回
風今夕停船酒家宿

題蘇名遠畫竹圖

蘇郎寫竹如寫帖珊瑚爲枝篆籀葉寒稍不及
三尺長遠勢直與青冥接青冥不辨西與東雲
光竹色俱空濛飛廉排山振鸞鷲霹靂迸火驚
蛟龍竒搜寧獨竹色老竹傍有石仍更好想其
落筆當酒酣人間屏幃愁絕倒近時吳興趙子
昂最能寫竹窮青蒼蘇郎晚出繼芳躅湖海二
妙相輝光十年不到瀟湘浦環珮空懷玉簫女
相期共泛書畫船濃墨淒迷掃煙雨

雨中寄友

客有還家夢空山雨正來寒生衣袖薄風急樹

歷代詩選 明孫仲衍
雲開掩戶坐終日思君重幾廻琴邊有逸興能
復醉深杯

山中寫懷

野館愁俱寂空林日未斜看雲偏憶母爲客久
辭家獨自嗟萍梗非關戀物華晚來山雨裏猶
見杜鵑飛

光孝寺

雨葉菩提寺天花簷蔔林塵機方外息幽趣靜
中深野色連香積秋聲雜梵音隨緣僧供裏予

亦長禪心

肅王道原

鳳池鴛鴦侶幾載此南遷柳色迎征棹花香憶
盛年訟庭栽白蠟官步到紅船我亦金門客逢
君思黯然

過東阿懷雪蓬

故人今不見孤客債誰憐事業清時困名聲舊
邑傳紫髯風獵獵烏帽月娟娟倘遂幽園約河
橋共晚年

荔灣漁隱

家住半塘曲沿廻復幾灣門前荔酒熟屋後釣
舟閒杳邈熊羆兆空濛虎豹關如何三里外便
是五湖間

翠筠軒爲源上座題

篁竹本條條僧房分外幽祇園栽未合因地養
初稠苦節頭陀行虛心般若舟禪餘金粉落定
起籜心抽涓葉慈雲護湘枝法雨流斜穿瘞鴈
塔高掛講經樓色映菩提靜陰連蔭蔭浮護泥

虎記日山偈刻支秋掛袖踈螢度煎茶病鶴愁
風旛搖瑣碎月磬和蕭颼玉版誰叅得憑師問
石頭

南山雜咏

湘潭千頃碧波明坐見南山秀色傾山雨欲來
雲氣重江鷗飛去釣船輕詩成多是琴邊興老
去應憐物外情閑喚小童敲白石不知芳草夜
來生

峽山寺

竹裏維舟陟翠微
 閒門臨水欲歎噦
 雲生佛殿飛來處
 猿嘯山僧出定時
 斷刻尚餘梁日記
 古松猶偃漢朝枝
 烟霞二妙應相笑
 盛世藏珍負夙期
 重五圖紙去
 遊羅浮
 四百峰巒列海圖
 飛雲絕頂敞玄都
 丹砂五色時光燿
 紫翠中天半有無
 觀裏松株皆住鶴
 山中竹葉盡成符
 鐵橋歸去尋清賞
 爛醉仙人白玉壺

瀧峽朝宗拱御臺
 藥珠樓閣倚雲開
 荔枝花落山鳩語
 蘆橘子生江燕來
 黃野故居羊化石
 葛洪丹竈錦為苔
 仙游倘遂凌風約
 羽服黃冠亦快哉

拜祖墓

芳草淒淒夕照前
 獨將春酒酌荒阡
 已嗟世事成千古
 纔說清明又一年
 滿目江山增舊恨
 幾家榆火起新烟
 從來俯仰傷懷抱
 不似于今倍黯然

重過林氏別業

曾侍先君訪大丘，葛巾投老尚封侯。
青筠簾捲風生席，白紵歌殘月滿舟。
興發共吟鸚鵡賦，酒闌重解鸚鵡裘。
傳家幸有賢孫子，別業新成似舊遊。

陪翰林宋承旨遊鍾山

天上禪關敞薜蘿，每緣休沐得經過。
雲籠梵宇青蓮濕，地接皇居紫氣多。
甘露結花疑木末，醴泉和雨落岩阿。
欲陪謝傅金屏約，未解朝簪柰爾何。

爾何

送張典籍訥之官大同經歷

邊陲見說青烽滅，贊畫遙知白羽閑。
夜月葡萄羶帳底，春風筆策柳營間。
賈生長是懷金闕，定遠安能老玉關。
沙漠年年飛羽捷，想隨驃騎凱歌還。

文章堂上論交日，對榻哦詩白晝長。
晴日畫簾窺水映，暖風羅袂散天香。
尋常應制才堪並，四十從戎鬢未蒼。
春半黃河水冰片，解旌麾幾日望。

燉煌

送劉方之入蜀

蛾眉西上穆陵關，猶似簾櫳響珮環。
華月高秋沉楚館，綵雲清曉散巫山。
鸞衿寄恨今宵永，錦字傳情幾日還。
惆悵風前花落盡，相思惟有淚潸潸。

餞宋承旨潛溪先生致仕歸金華

一自先生離禁闥，玉堂清致更無人。
金蓮颺彩初寒夕，燕寢凝香散暮春。
著作有官惟故事，論

思此道竟誰陳。青雲志氣慚悲梗，不覺臨岐淚

滿巾。

西樵

西樵山勢捲飛龍，萬里扶桑海色通。
日麗錦巖開菴畫，雨餘銀渚漾芙蓉。
紫河車蔭仙人掌白，鶴花明玉女峰上相朝。
元鳴玉珮三城佳氣鬱，龍葱

乙卯除夕

四十今已過二年，明日又復歲華遷。
頭顱種種

歷代詩選 明孫仲修
見白髮生計落落仍青氈梅花亂開客愁裏雲
物長迷鄉國邊且可吟詩酌春酒爛熳取醉東
風前

鳳凰臺

綺翻千年去已遙古臺猶見碧岩堯楓林曉露
迷三楚柳陌春風暗六朝狂客昔時揮彩筆飛
仙何處捻瓊簫惟餘一道巴江水流向天門作
海潮

送蔡九節還南安

幾年爲客怕逢秋每見春來憶舊遊歸夢夜隨
寒雨急片帆春逐大江流看山有興還堪寫惜
別從來不改愁斗酒殷勤拚一醉相思何處却
登樓

西巖圖

爲巖彥恭題

欲寫滄浪愧不才畫圖今喜見君開峰巒影落
寒潭靜款乃聲從返照來千頃白波龍伯國百
重高興子陵臺聞君早晚趨金闕風雨漁磯長
綠苔

懷白雲山房

家住滄洲洲上山數椽
 茆屋亂雲間天晴疊嶂
 開金碧雨過清泉響
 珮環高興別來長寂寞
 故人誰與共躋攀
 洞門猿鶴應相問
 何事先生久未還

西嶺圖

登對別妓

驪駒西上帝皇州
 斜抱雲和淚暗流
 子夜歌詞翻白雪
 殘春風物似清秋
 青鸞信斷陽臺路
 翠被香寒燕子樓
 七十二泉縈別恨
 濟南煙樹綠

幽幽

江上

江上青楓初着花
 客帆和月宿蕪葭
 過雲疎雨數千點
 臨水小村三四家
 風起漁船依釣石
 潮回歸雁認平沙
 秋懷已向南雲盡
 又是滄洲閱歲華

金山寺

玄洲貝闕爛相輝
 夾岸人家對敞扉
 四壁波濤長觸石
 孤山花木自成圍
 橫江鶴向揚州去
 泛

歷代詩選 明孫何行 三
僧從建業歸遷客憑闌重回首蓬萊雲氣曉
熹微

秋風

秋風浙浙吹江亭汴河之柳猶青青黃姑東渡
會七夕白帝西來朝百靈初開琪樹已云落遠
別客愁今未醒欲寫鄉書寄南鴈故園萬里天
冥冥

虹縣九日登五女塚

五女峰頭烟樹荒登臨聊得散徜徉忽驚重九

今朝是却憶三千客路長冷露餘花偏有色朔
雲踈鴈不成行寧教醉裏逢佳節且免醒來望
故鄉

淮上憶京

去歲茲晨客帝畿蔣陵西曲鴈飛飛秋風叢菊
開荒逕落日浮雲滿翠微老去吟邊芳物改別
來天上故人稀登臨復對青樽酒醒倚淮山憶
禁闌

過范增墓

歷代詩選 明孫仲介

舊識荊州老將名秋風此日過佳城羣雄逐鹿
留遺跡稚子驅羊入廢塋玉斗有聲松雪落蒼
精無影石麟橫可憐牢落祥雲氣又向芒碭谷
口生

思家

京華薄宦已沾巾寥落三年濟水濱冷雨青燈
吟客夢東風蓬髮異鄉人雲濤渺渺滄江暮榆
枿依依旅邸春朋舊別來多野興故園應已賞
芳晨

詠天南昌鐵柱觀

琳宮石筍露岩堯云是千年此鎮妖方外羽衣
能濟世城中仙鬣亦通潮蛟龍水底蟠金鎖鷄
犬雲間聽玉簫行橐已垂思點石祈靈壇上此
逍遙

采石太白墓

冠屨何年墮世塵先生元是謫仙人春雲彩筆
驚飛燕暮雨滄江泣石麟牢落清名元不歿衰
遲大雅竟難陳翛然我亦狂吟客思殺風流賀

季真

望廬山二首

扁舟夜泊潯陽岸
 隱約香爐五老巔
 紅葉天燈飛鳥外
 白蓮僧社斷猿邊
 蒼崖影合東林寺
 銀漢光連瀑布川
 亦有宗雷違四想
 千峰無路訪羣仙

東林佛閣倚岩峩
 蘿逕逶迤傍石橋
 松栢千章連左蠡
 芙蓉萬疊倚層霄
 琪花雪影江心見
 蓮社天香世外飄
 歸老倘繇仙賞願
 藍輿寧待遠

公招

向水至儲潭廟留題

五老峰微楚路分
 顛灘猶禮洞庭君
 行空鐵馬寒嘶霧帶月
 蒼龍夜吼雲瓊佩
 倩誰招帝女桂漿聊復奠
 靈氛清吟寄遠成
 孤絕思入滄江白鴈羣

思家古河

古河煙草暗南天
 此去鄉園路幾千
 燕子來時春寂寂
 海棠開後雨綿綿
 滄江水遠吟詩社
 綠

歷代詩選 明孫何衍
落花明載酒船更憶故人王給事愁來書破薛
濤箋

紅菊

龍山九日宴斜曛萬朵秋香散彩雲醉岸綸巾
對芳物西風應識舊參軍

紅梅

丹青學寫壽陽姿艷杏仙花嫩柳枝猶記醉邀
何水部淮西歌吹舊臺池

墨竹

洞庭春盡水溶溶錦瑟輕寒起臥龍行客欲投
蒼水佩亂雲遮斷九疑峰

誰拈秃筆寫婁迷亂石橫江碧玉低猶記畫船
初泊岸落花時節郭公啼

歲隄萬玉曉撐風應是清溪野水東更畫接羅
顛倒着嫩涼添我綠陰中

王孫圖

誰拈金彈倚青驄鞍面開元結束同好似華清
二三月綠陰籠伏入離宮

東風馳道直如絃琪樹春陰護馬羈從幸少年
初賜錦數聲啼鳥落花前

宣和樹

上林芳樹靄崇宣淡墨踈翎賦粉牋何似白榆
棲凍雀蕭蕭風雪滿祁連

昭君

玉顏啼淚濕胡沙東望長安不見家月滿穹廬
愁似海強將心事付琵琶

題葡萄

驪龍弄影照高秋萬斛真珠露氣浮還憶玉人
歌舞散紫駝銀甕出涼州

雜畫

曾記東林信杖藜遠公門對石橋西長松月落
猿聲歇贏得青山似虎溪

四皓圖

只合食芝老萬山誰教鶴髮動龍顏蛾眉對酒
歌鴻鵠怨入商林紫翠間

松

雙松如蓋倚雲長
曾憶匡山問草堂
拂石坐來龍影濕
半陂春雨茯苓香

送翰林宋先生致仕歸金華

紅鞵金帶荔枝花
三品詞林內相家
歸去山中無箇事
瓦瓶春水自煎茶

寄高彬

條風吹綠滿蟾溪
蠟屐行春日向西
獨木橋邊烏柏樹
鶉鳩飛上上頭啼

寄王彥舉

綠楊陰下玉驄嘶
絲落銀瓶帶酒携
夢入南園聽夜雨
不知身在蔣陵西

憶得

憶得初年不解愁
藥欄花迳日風流
臨池書罷黃庭帖
走馬城南覓舊遊

龍江夜泊

蔣山山頭秋月明
龍江江上暮潮生
行人又是金陵客
臥聽西風鼓角聲

過揚州

歷代詩選 明孫仲修
垂楊空有折殘枝春盡瓊花作雪飛
少日往游今是夢竹西歌吹舊臺池

淮南五月叫春鳩花落清河錦浪流
偏恨寂寥鄉思裏淡煙寒月下邳州

詩歸呂梁洪

驚濤觸石雪潺潺五月河風尚作寒
問訊南來荆楚客官船幾日到淮安

武城

獨上荒城野日陰絃歌千載憶遺音
黃堂皂蓋成塵土何處春風綠綺琴

魏公姑蘇開元寺

梵宮春盡落花時倦鳥猶啼竹樹枝
想見風流唐太守綠陰亭院坐題詩

次張仲舉韻

江上依稀栗里峰峰前隱約故園松
征鴻盡向南天沒不爲離人寄一封

幽居雜詠

歷代詩選 明孫仲衍 卷之十一 三十一
仙衣自種一池荷采采青黃當綺羅怪底近來
秋氣早水禽飛去晚霜多

紕綺紛紛幾戰場閒身羸得水雲鄉扁舟日暮
鳴榔去付與沙鷗管夕陽

遠公蓮社久相招老大無心到石橋遙想東林
山月出白猿啼處樹蕭蕭

野吟詩句出天成景物如雲眼底生白石江頭
烏桕樹夕陽疎冷鶻鳩聲

鶴背腰纏有幾家陶潛貧薄太無涯青鞋布襪

歸來好却使無錢對菊花

秋閨思

涼夜蕭蕭處處過玉樓高起逼天河西風瘦盡
梧桐葉添得西窻月影多

踈櫺鐵馬亂風飄火冷金鳧百和銷怪底芙蓉
清漏永不知何事苦迢迢

閨怨

都門不去亦何妨行色匆匆有底忙欲向碧桃
花樹底牽回白馬紫遊韉

寄語多情燕與鶯莫勞花底弄春聲千吟萬轉
知何益空使寒闥夢不成

晚思沉沉倦倚闌玉簫聲歇酒闌珊淡雲還掩
初生月誰護梨花作夜寒

誰識沅湘路幾千夢魂夜夜到君邊春光不管
愁人恨故傍楓林叫杜鵑

薄寒猶可夜藏闥向晚那堪獨倚樓是着人衣
添懊惱海棠枝上月如鉤

接得封書妾自開分明說與便歸來千回枕上
聽春雨幾度階前掃綠苔

舊栽楊柳色毵毵千里渾忘寄一緘春鴈高飛
惟向北不知遊子在江南

欲掃鸞牋寫綵雲惟將心思怨夫君蜀山花竹
湘潭雨杜宇春深獨不聞

洞庭暮雨起春波翠旆金鞵帝子過遙想泊舟
明月渚夜深欹枕聽雲和

湘江兒女單紵衣娥皇廟前歌竹枝春來只會
閑相惱不管人家有別離

五言絕句一首

鼙鼓三聲急 西山日又斜 黃泉無客舍 今夜宿誰家

明與雜記云 高皇誅藍玉籍其家凡有

雙字往來皆得罪黃因與玉題一畫故殺

之此詩乃絕命也 上問監殺指揮孫黃

死時何語指揮以此詩對 上怒云彼有

此好詩汝乃不復奏而殺之何也竟殺指

揮郡邑傳云皆謂黃死以梅思祖非藍玉

豈雜記別有考與

石倉十二代詩選

明詩卷十一

終

缶鳴集敘

高季廸詩十二卷凡爲樂府五七言近古體九
百三十七首余爲敘而評之曰季廸之詩雋逸
而清麗如秋空飛隼盤旋百折拍之不下又如
碧水芙蓉不假雕飾翛然塵外有君子之風焉
以余之所言而余之所不言從可知也然則季
廸之詩集不可傳也歟季廸吳人余嘗論吳中
之詩唐有陸魯望宋有范至能陸魯望之詩寄
興幽遠而其音響則駸駸已迫於晚唐至能之

歷代詩選 明高季迪序
詩措辭溫縵然其格調特宋焉而已耳在勝國
時余適吳則陳子平詩其爲言率實而流麗揆
之陸范吾不知其孰先孰後也吳之詩在元惟
子平而知者蓋鮮今吾於是復得季迪之詩焉
季迪季方壯志氣偉然其所自見殆不止於詩
而其於詩則已能自成家與唐宋以來作者又
不知孰先孰後也嗟乎詩之道微矣世之有志
於斯者莫不鞠明寃曠疲心思於簡牘間而後
爲言乃或有可傳其不可傳者固不可勝數是

不可不謂之難也以詩之難能如此而季迪乃
以此自成家追古之作者以爲竝豈非其才之
過人也歟序而傳之世必有因其詩而知其才
者矣季迪名啓季迪字也頃承

詔與余同修元史尋入內府教胄子授翰林國
史編修云

洪武庚戌三月翰林侍講金華王禕序

史編卷之

請與余同分

各吳字

張入

以與

不百

石倉十二代詩選

明詩卷之十二

金鳴集

上

大明

吳郡高啓著

後學曹學佺閱

上之回

聖主重行幸六舛法乾旋北巡初避暑東祠已

祈奉羣官從清塵粲若星麗天前揚豹尾竿左

靡魚須旃瀚海通漢月蕭關絕胡煙願奉千齡

樂皇躬長泰然

君子有所思行

騁望京輔地金城千里餘
峩峩松柏陵靄靄桑柘墟
明堂表青陽飛觀切紫虛
況有戚里第高樓夾清渠
愛妾舞羅縠嬖奴鳴珮琚
東園賜秘器上林乘副車
玄運有恒旋盛時無久居
勿嗤城南巷寂寞楊雄廬

長門怨

憎寵一時心塵生舊屋
金苔滋銷履迹花遠度
鑿音暮雀重門迥秋螢
別殿陰君明猶不察妬
極是情深

塞下曲

日落五原塞蕭條亭堠空
漢家討狂虜籍役滿山東
去季出飛狐今季出雲中
得地不足耕殺人以為功
登高望衰草感嘆意何窮

羅敷行

陌上三月時柔桑多綠枝
攜筐行采葉日暮畏蠶饑
君來駐車馬相逢在桑下
謾說同心言不是知音者
君貴多輝光妾賤無紅妝
自信田間婦難從天上郎
長安畫樓宇無限如花女
使君

願作詩選 明高李延
當早歸莫共羅敷語

王明君

都門塵拂春風面
臨別看花淚如霰
君王惆悵惜蛾眉
不是前時畫中見
白髮呼韓感漢恩
寧胡謾誇閼支尊
毳裘肉食本異俗
不如但嫁巫山村
黃沙白雪無城闕
手冷鴟弦夜彈歇
相隨萬里到穹廬
只有長門舊時月

行路難

君不見盤中鯉
斃失風波登俎几
君不見枝上蜩
纔出糞壤凌雲霄
推移變化詎可測
勿謂明日同今朝
出乘高車入大馬
半是當季徒步者
范叔曾逃客溺餘
衛青亦在人笞下
悠悠行路莫相欺
爲雌爲雄未可知

怨歌行

妾始克下陳
嬌容常自持
上宮三千妓
一一妬蛾眉
絃急有斷聲
鏡暗無妍姿
遂令開時花
遽作落後枝
昨夕歌吹歡
今夕蛩語悲
從來班婕妤
不勝趙昭儀

蒿里

素驂駕廣柳蕭蕭出城闈
玄廬儼象設猶恐死
有神古原閉愁冤
荒草不得春一作泉下客長
違室中親昔興每待旦
今臥焉知晨歛衣已成
灰含具仍作塵家門諒不遠
欲歸竟何因平生
所愛物娛玩由他人
哀哉此里中同逝壯老均
聖賢亦豈免聞道庶可珍

少奉行

下直平明出禁門
千塲縱賭共王孫
寶刀不敢

將輸卻明日沙塲欲報恩

長相思

長相思思何長
愁如天絲遠悠揚
搖風曳日不可量
不能絆去足惟解
結離腸關山碧雲看
欲暮空幃坐掩荃
蘭香長相思思何長

雙桐生空井

雙生碧玉樹並覆黃金井
根通夕潤深葉帶朝
光冷應有感秋人時來鑑愁影

征婦怨

良人不願封侯印虎符遠發當番陣幾夜春閨
惡夢多竟得將軍軍覆信身沒猶存舊戰衣東
家火伴爲收歸妾生不識邊庭路尋骨何由到
武威紙幡剪得招魂去只向當時送行處

暮空車遥遥

鷓鴣啼霜海城白征夫趣裝牛上輓天生兩轂
轉長途那得令君不爲客出門已遠第一程耳
中鳴鐸漸無聲房戶寧嗟寂寞守山川惟念苦
辛行欲車不行願車覆還愁損我車中玉安得

身如路傍草相隨千里車前綠

邯鄲才人嫁爲厮養卒婦

妾能撫趙瑟舊得君王眷更衣直夜房侍酒登
春殿出宮非故顏里婦猶相羨叢臺罷往夢破
屋流螢見末路多若斯紛紛貴成賤

秋江曲送顧使君

秋江月滿秋潮大江上行人待潮過別離休說
渡江難半日順風船穩坐楚江茫茫葭茨平使
君來時雄雉鳴子弟從軍隔江去幾家猶住夕

陽城水田雖荒飯常足芡米夜舂二十斛誰道
繁華不及前戶無征稅官無獄渡江渡江君莫
留江北樂似江南秋

寒夜吟

月下凍痕生綠井隔簾霜片飛無影樹枝風息
轉迎寒愁人如鳥棲未安夜短夜長應獨覺熒
熒殘燭鳴鳴角

春江行

春江南北疑無畔綠草綠波連不斷一女紅妝

出浣紗恰如鏡裏見桃花袂衣猶冷過寒食雲
渡春陰半江黑浦口風多潮正深輕舟搖蕩似
人心鷓鴣暮啼歸路遠飛絮茫茫楚江苑

養蠶詞

東家西家罷來往晴日深窗風雨響二眠蠶起
食葉多陌頭桑樹空枝柯新婦守箔女執筐頭
髮不梳一月忙三姑祭後今季好蒲簇如雲蠶
成早簷前繰車急作絲又是夏稅相催時

採茶詞

雷過溪山碧雲暖幽叢半吐鎗旗短銀釵女兒
相應歌筐中摘得誰最多歸來清香猶在手高
品先將呈太守竹爐新焙未得嘗籠盛販與湖
南商山家不解種禾黍衣食季季在春雨

東家擬古

嗟峨雲間樓俯視層城陰綺戶相洞開清飈拂
羅襟上有離居婦哀歌撫弦琴不知中怨誰掩
抑一何深初爲郢中唱再奏邯鄲吟不惜努力
歌寫作絕代音風吹落君耳萬里知愁心曲盡

思寂寥青天日西沉

其二

東井不可飲威弧孰能張虛名竟何用千古同
悲傷與君初結歡金石比中腸恩情忽乖分相
望阻川梁閨門尚難越況彼道路長不如雲中
雁廻飛自隨陽

其三

美人一相見遺我白玉環上有雙雕龍遊戲在
雲間持此感深意佩結無時閒玉以比貞潔環

歷代詩選 卷十二
以明不絕雲龍永相從誰能使離別

其人其四

黃鳥鳴春陽流芳滿西園攀條日已暮悵惋不能言禦寒必重裘涉道斯雙轅離居非君子何以解憂煩煩憂日已積佳期日已失思君如蓬萊可望不可卽區區儻見察憔悴其自畢

寓感二首

蚩蚩此羣氓幾人出其儔誰云抱智慮乃足資勞憂晨秣思遠騁宵披務窮搜懷古復慨今百

念紛自投繆擾得喪間若與方寸仇安知廣成子冥臥崑崙丘無營亦無想八表獨神遊攬轡登太行遙望落北州嶠函正西峙黃河復東流百城無遺堵雲煙莽相繆朝作冠蓋場暮爲狐兔丘昔人爭此地干戈迭相讎當其得意時連陌擁鳴騶百季奄忽盡魂魄空來游曷見采芝叟冥棲無所求

頽陽在川上玄蟬夕鳴悲嫋嫋風起波翻翻葉辭枝曠望天宇內沉寥此何時朱火已盈謝清

商屈其期覽鏡忽自嗟綠髮生素絲萬物有榮
悴造化豈吾私

采芝始發南門晚行道中

歲暮寒亦行征人有常期辭我家鄉樂適彼道
路危酒闌別賓親驅車出郊岐我馬力未痛已
越山與陂回頭望高城落日雲樹滋遭亂旣少
安謀生復多飢途逢往來人就_不爲此馳遠游
亦吾志去矣何勞悲

念餘渡浙江宿西興民家

掛帆無天風到岬日已夕捨舟理輕裝欲問古
鎮驛颯颯灘聲迴莽莽山氣積僕夫夜畏虎告
我勿遠適望林投人家炊黍旋敲石寒眠多虛
警我體若畏席誰云別家遙數日已在客今宵
始驚嘆東西大江隔

夜抵江上候船至曉始行

夜辭西陵館霜谷狼_叫歇津卒未具舟天險不
可越漁商雜候渡寒立沙上月蒼煙隱遙汀益
覺潮漲濶開橈散驚鳧海色曙初發矐矐前山

來稍稍後嶺沒中流聞鼓角隔岬見城闕客路
得奇觀臨風悶俱豁

宿湯氏江樓夜起觀潮

舟師夜驚呼隔浦亂燈集潮聲若萬騎怒奪海
門入初來聽猶遠忽過睇無及震搖高山動噴
灑明月濕霜風助翻江蛟龍苦難蟄應知陰陽
氣來往此呼吸登樓覺神壯憑險方迥立何處
望靈旗煙中去波急

雜咏

朝臨高堂上俯仰崇岡下春暉何悠悠清川自
東瀉陽和發卉物時澤均播灑如何及芳晨蕭
條俱空野願言釋拘局登高騁吾馬曠地不見
人憂心何由寫興謝固其常吾將尤誰者

題綠綺軒

幽抱時欲寫帷中有鳴絃一彈落一葉庭樹坐
蕭然寂寂山水夜迢迢河漢天憶聽烏啼起南
軒秋未眠

登景閣夜宴

王孫喜留宴開閣望明河是夕月微暈涼風池
上多棲禽翻暗叢駭魚動圓波清景厭絲竹雅
咏答高歌尊酌願勿間良宵易蹉跎預憂別在
旦車馬層城阿

暮歸

朝出雞始啼暮歸鳥欲棲我身本無役胡爲亦
東西徒步二十季風埃面空驚入門聞隣杵秋
氣凜以淒芙蓉墜廢沼絡緯鳴中閨壯志苦不
遂歌吟夜燈低富貴固有日我志焉能迷笑向

細君道勿爲翁子妻

送蜀山人歸吳興兼簡菁山靜者

南浦無碧草征鴻晨稍飛何當杪秋節臨水送
將歸旣來不能淹君心應好違惻惻袂始判遙
遙帆已微天高桂樹落人在山中稀還尋同袍
者更製薜蘿衣

會宿城西客樓送王太史

君來歡不足君去憂何遽共聽楓橋鐘留連恐
將曙蛩鳴故苑草鳥起高城樹明日獨登樓歸

帆渺何處

出郊抵東屯二首

朝服久已解儼然山澤臞欲狎林野人相歡
混賢愚朝來此水濱高歌步踟躕忽逢一田父舍
耕拜路隅疑我是長官恠我體貌殊我已釋所
有彼我未忘歟

坐久體不適卷書出柴關臨流偶西望正見秦
餘山野淨寒木疎川長暝禽還此中忽有得怡
然散襟顏

鳴山書舍圖爲黃君伯淵賦

伯鸞鸞春地井臼有遺跡之子學幽棲托踪在
林石清風竹林曉片月蘿逕夕遙想一齋空圖
書蒲牀積

春草軒雨中懷王太史

西軒罷琴坐涼思欺白苧颯颯樹聲繁秋風滿
池雨蓮衰少暗馥禽靜多幽語對此闕良儔當
權反傷緒

次徐山人與倪雲林贈答

昔遊紫藤塢空山鶴鳴秋相望隱人居興闌竟
回舟邇來獲晤賞玄談劇風流每欲開南軒招
我共偃休天寒鴻雁鳴芰荷落長洲豈無一釣
船訪子溪水頭終慚文墨牽只尺成阻修聽雨
掩閣臥觀泉上巖游朝覽贈答篇詞藻誇兩優
我本丘壑人猿鶴肯見畱擬結歲宴期壺觴展
綢繆况聆西澗濱禪宮闕清幽夜看太湖月遲
我同登樓

蘭室爲袁省郎賦

湘臯春水深澧浦秋風早如何庭戶間芳蕪獨
妍好不有君子心憔悴同芳草

題曹氏春江雲舍

遙波靄微雲禽寒少相語君家在空澗欲往迷
洲渚紛紛樹離霧稍稍花滴雨日暮坐相思江
東渺何許

蘿徑

幽溪入蘿蔦幾曲到巖扉夏鳥頻啼處陰陰花
陰稀知當煙暝後從此荷樵歸

茶軒

摘芳試新泉手滌林下器一榻髮絲傍輕燵散
遙吹不用醒吟魂幽人自無睡

過立公房

空院閉深竹幽花發孤妍春陰鳥語寂風磬時
泠然非茲絕塵地何以寄高禪

送芭上人東歸

浮雲如飛鳥相聚安可常偶來雲巖寺幾日共
徜徉我去師亦歸澗戶欲荒涼池臥孤塔影庭

棲雙桂香重過應未期悠然山水長

送王主簿之歸安

我歌柳惲詩送子南汀發山城逢社雨綠樹啼
鶯歇留連孤艇遲怡悵雙壺竭高士尚爲薄休
慚府中謁無事坐閒廳彈琴看明月

角里村

高皇本壯士提劍定四方晚爲兒女情悲歌起
彷徨愛子欲建儲寵姬方侍側顧驚四老人謂
已成羽翼大臣豈不諫孰能幹天機彼翁何爲

者足見人心歸始潛避秦君終出安漢嗣世羅
焉能羈舒卷聊自肆我來角里村如入商顏山
紫芝日已老黃鵠何時還斯人神仙徒千載形
不滅猶想蒼巖中白頭臥松雪

毛公壇

欲觀漢壇符東上縹緲峰葛花墜寒露夕飲清
心胸月出太湖水鶴鳴空洞桐真境久寂寥蒼
苔闕靈蹤嘗聞綠毛叟變化猶神龍世人豈得
見偶許樵夫逢攀陰力易疲探玄志難從歸出

白雲外空聞仙觀鐘

西齋池上芙蓉

池荷已衰颯孤艷仍獨在滄洲遠夢違風露妍
姿改窈窕徒自媚寂寞還誰待此地托根偏非
無美人採

客有不樂者

客有不樂者默坐空堂幽明燈照孤影對酒不
能酬風雨忽夜至單衣颯驚秋葉隕已慄慄蟲
鳴尚悠悠於當屬有念苦願君聲收讀書仰千

古命駕志九州孰云吾多智有乚不解謀冥飛
既難攀苟得亦可羞

天平山題空室山四欲清為道挂西不
入山旭光迎出山月明送十里松杉風吹醒塵
土夢茲山凡幾到題字徧巖洞陽崖樹冬榮陰
谷泉下凍惟石立誰扶靈草生豈種白雲蒼然
來諸峰欲浮動高鶴有危樓幽禽無俗哢凌蘇
知履滑披嵐覺裘重嘗登最上顛遠見湖影空
漁樵出渚孤鳥雀歸村衆還尋老僧居隔竹聽

清誦慙我躋攀勞爲設茶筍供幾季歷憂歡造
物若擲弄迷途遠山林遲暮堪自訟難追謝公
游空發阮生慟身今解組絃明時愧無用閒持
九節筇尋訪事狂縱石屋秋可眠山猿許分共
送張文學之雋李

回川帶綠樹窈窕雙鳴禽江郭去非遠傷離空
滿襟林中古殿靜池上高齋陰應想彈琴士杏
花春雨深

越來溪

溪上山不改溪邊臺已傾越兵來處路流水尚
哀聲昨日荷花生今朝菱葉死亡國不知誰空
令怨溪水古烈情此土高齋刻烈愆戰平士谷
南峰寺
樵歸衆山昏天峰尚餘影欲投石門宿更度西
南嶺遠聞雲間鐘蘿逕入寺永懸燈照靜室一
禮支公影鳥鳴澗壑幽泉響窗戶冷對此問山
僧何如沃州境

寒泉

遠絡叢峰間平流盤石上月照欲成潭風吹不
生浪聲兼寒葉下色映秋苔漲野客照羸顏曾
來倚筇杖

支遁庵

閒登待月嶺遠扣棲雲關石室閉千載高僧猶
未還殘鐙黃葉下古座青苔間不見跣趺影鶴
鳴空此山

靈巖寺響屨廊

君王厭絲竹鳴屨時清耳獨步六宮春香塵不

能起那知未旋踵麋鹿游遺址響沉明月中跡
泯荒苔裏

夜飲余左司宅得細字

春會非有期春愁本無際焉知君子堂此夕相
與詣燈銷月窺欄角警霜委砌舞影憐鶴長吟
聲笑蠅細鄰雞易催旦共歡休復寐喪亂得幽
歡疇云匪良計

劉凝之騎牛圖

夫子初亦仕弦歌穎之濱園廬忽在念解綬言

歸期方春養孤犢既耕亦以騎春風草茫茫出
游徧山陂田家有美酒輒醉不復疑當昔天聖
間實號休明時豈無理人術終恐塵鞅縻嗟今
屬喪亂懷策競欲施清芬遠莫挹載誦廬山詩
剡原九曲四首

欲知溪流長百轉來越嶠舟行安能極嵐路入
斜照清景不足娛昔人豈辭詔石硯久難磨空
林閉遺廟

山折水斲旋山開水仍往東陂堰初成秋色瀟

歷代詩選 卷十二 一
然廣碧蘿花茸茸月映石壁上何時試浴澗一
理煙中舫

密篠覆碕岬石穴黝而深居人負薪歸駐聽風
水音回看蓮花峰靄靄生夕陰不有僧鐘來高
路誰能尋 次曲四首

危梁渡清瀨逶迤入前渚犬鳴樹蒙籠煙景暗
墟聚雨中耕叟歌月下歸人語欲尋仙尉踪淒
涼一茅宇

懷徐七

哀鴻已鳴渚落葉初覆陌故園當授衣却思遠
行客客行已日遠我思日已積東南望歸棹鳥
去煙波夕憂來不成言懷抱空戚戚豈無一尊
酒黃花爲誰摘

獨步登西丘

幽臥意不適出門聊獨行惻惻田野中斜徑多
不平逶迤登遠丘迢遞望高城風交二麥動煙
迥孤花明偶逢植杖翁疑是古耦耕欲問恐相
誚歸來悵中情

柳絮

輕盈易飄泊思逐春雲亂
已拂武昌門還縈灞
陵岬沙頭雀啄隨水面魚吹散
官樹曉茫茫哀
歌腸欲斷

送蕭隱君自句曲經吳歸維揚

適從江東來復作江北去
來去逐江雲蕭蕭舊
巾屨身帶煙蘿雨初下
大茅峰孤帆拂楚樹遲
聽廣陵鐘去家忽來歸
憐君似黃鶴日暮渺相
思淮南桂花落

賦得真娘墓送蟾上人之虎丘

色相終壞滅佳人能久妍
斷碑山寺裏小冢竹
林邊蘭葉春風帶苔花
暮雨鈿情留吳苑客夢
逐楚臺仙高僧方宴坐
身在散花天

送倪雅

交游結深歡離別生遠念
聊持毛子檄暫脫劉
生劔南風柳下亭杯動江
色灑山遙馬望驛日
落蟬鳴店此去漸成名
驅馳君勿厭

秋日山中

山澤含霧雨偶來若居夷我無遠游志何與親
愛離暑退初可喜秋來轉堪悲壯顏豈草木
憔悴同此時中心與百憂日暮如有期悄悄出空
宇悠悠適荒陂阨窮勿復嘆天欲昌吾詩
宿幻住棲雲堂

窗白鳥聲曉殘鐘渡溪水此時憂夢迴獨在空
山裏松巖留佛燈葉地響僧履余心方正寂無
使羣動起

曉起春望

今朝有春意原野晴始綠疎花未破煙新禽稍
鳴旭物情各欣榮客意胡刺促居閒厭寂寞從
仕愁羈束兩事不可齊人生苦難足安得長放
歌花開酒醅熟

陳氏秋容軒

西郊莽迢遞川樹凝煙景雨過落紅蕖斜陽半
江冷蟬鳴山欲暗雁去天逾永孤客對蕭條應
嗟鏡中影

雨中遣興

積雨坐無悶端然便寂寞好鳥不頻啼閒花最
遲落行園每度徑望岫時登閣只此可終朝何
當有樽酌

聞鐘

迢迢煙際發隱隱巖中應初來覺寺遙乍歇看
山暝惆悵未眠人空齋幾迴聽

池上晚

春晚思悠悠閣前池水流新蒲風葉響如對野
塘秋野塘前歲路已隔歸舟度鳥下獨回頭青

山杳然暮

醉歸夜醒聞雨

覺來聞雨聲燈輝耿殘夜窗間有危葉暗助瀟
瀟下不記醉歸時寢齋如客舍

和張羽懷吳興舊游之作效其體

城貫綠川長朱閣暎飛梁鶯嬌山唱度蓮豔水
嬉張花童搦翠管桑婦挈銀筐若溪酒脂碧顧
渚茗旗香擇勝事未厭驚亂意俄傷回看舊游
地秋草變淒涼

綠水園宴集

平居寡良會艱哉況茲時幸逢金閨英中筵接
光儀名園遇修褱景麗春陽熙綠芷榮曲沼朱
華敷廣墀情宣寄高文憂襟爲之披觴來不敢
訴慮此朋歡虧何由淹返旆頽光願遲遲

送程較理游江上

風亭裊離管草綠江水暮送此南浦人孤帆雨
中渡別傷足自緩前驛花滿路春叢戀山鷺晚
絮迷汀鷺我今獨愁居芳月誰與度佇立望遙

波相思積煙霧

僧齋聞雨

寂寂初罷語悠悠未成眠高齋有春雨夜半落
燈前已傷花委樹復臆水盈田老衲獨無聽繩
床方坐禪

見耕者

茲晨有佳興挈杖行遠墟春犁稍已出土脉向
暖舒嚶嚶鳥轉谷瀏瀏泉鳴渠歲功自茲始爲
農亦良劬而我惰四體偃息在敝廬饑匱固當

爾無爲嘆踟躕

雨中書湖上漁家壁

漁舍煙不起
瀟瀟雨初暝
孤客與羣鷗
寒依葦
間聽山昏望
易失波動愁
難定歸思滿
蒼茫空
憐去帆迥

至蓮村

昔愛茲里幽
誓將構蓬廬
孰云墜世網
重到十
載餘喪亂喜
獨完煙火靄
舊墟柴門在
深巷落
日榆枿踈
隣翁念契濶
攜筐饋雙魚
苦問客何

事顏貌與昔殊
焉知涉艱難
多戚長少娛
貧賤
非所恥
中情在閒居
願翁勿相誚
終當遂吾初
雨中登白蓮閣望故園

亭亭高閣上
渺渺清川曲
日暮靄靄愁
薜蘅雨
中綠聞鐘僧已返
荷笠人猶牧
歸棹獨難尋
江南望雲木

尋照公

遠尋林下僧
不識林下路
隔雲孤磬響
因到繡
經處相對竟忘言
夕陽在祇樹

遊靈巖賦得越來溪

越女游未去越兵嗟已來青山舊溪上無復見
樓臺過客空惆悵荷花秋自開

雨中客僧舍

客夢方暫適竹間風雨驚起登林端閣迢遞望
層城景寒川樹踈野晦原煙平不邀釋子語何
以緩羈情

東坡路上阻水

不覺去村遠瀟瀟柳間步江雨夜來多春流稍
侵路褰裳自可涉不待漁舟渡

始聞夏蟬

翩翩纔得蛻咽咽未成喧翳葉誰能見南風綠
繞軒乍驚變節物還念別郊園何待當秋聽方
令羈思繁

將往海上舟行雨投僧舍

沙響聞雨來中途生旅愁遙尋晚林磬暫駐寒
塘舟窗下一僧老竹間雙鳥幽誰言阻遠去翻
使得佳遊

江上晚晴

江虹斷雨脚返景明
虛理宿鳥亂歸村
幽人獨臨水漁舟隔浦
飯烟火蘆中起聞吟
望遠岑緩步尋芳芷
此夕遇新晴憂懷偶
然喜

冒雨暮歸過白沙湖

天寒蒲湖雨獨棹東
歸急遙望水邊村
蕭條暮煙濕家人應
候我深映柴扃立

送袁憲史由湖廣調福建

只謂遠游苦寧知遠
游樂君今萬里歸
顏色殊

不惡自言楚帆開
初別鳳凰臺采石
月下過匡廬天際
來試沽彭澤酒
憔悴陶家柳最愛
小姑妍臨行復回
首遠逐繡衣游閒
登黃鶴樓千峰漢
陽晚一雁洞庭秋
西上荆門渚銀釵
見巴女歌斷竹枝
詞江陵夜風雨看
盡幾多山今朝始
得還秋風吹驛騎
又欲度閩關閩關
聞更好瘴霧晨收
早椰子美如漿蘭
花多似草嗟余戀
故鄉不肯涉津梁
把酒看君去相思
空斷腸

曉臥丁較書軒

窗月澹欲失矐矐逼初曙屋外鳥聲多應知有
嘉樹殘香掩幽寢未事澄紛慮頗似宿東巖僧
齋竹深處

水上盥手

盥手愛春水水香手應綠紘紘細浪起杳杳游
魚伏惘悵坐沙邊流水去難掬

秋日端居

秋意日蕭索郊園霜露餘出游無山水聊復守
吾廬巷轍久已斷山瓢仍屢虛非其寂寞者誰

樂此閒居

晚步游禱家竹亭
落日猶半野開來潭上游非因戀幽賞聊欲散
煩憂澄波魚噉夕荒竹鳥吟秋不是愚溪上胡
爲吾久留

早發土橋

空山遠無驛逆旅聊可宿懷征候鳴雞燃帶續
我燭僕夫昨行苦爛熳睡正熟呼之愧怱怱推
車出茅屋高巖尚懸斗深谷未升旭欲亟去仍

遲惟石暗崩觸思當在家樂日晏始舒足胡爲
此行邁霜露勞局促王事靡敢辭非關狗微祿
空山寓天界寺雨中登西關
片雲出鐘山陰蒲江東曉幽人閣上寒風雨啼
鷺少紅塵禁陌淨綠樹層城繞不爲怨春徂離
懷自憂情
送陳四秀才還吳
君是故鄉人同作他鄉住同來不同返惆悵臨
分處手把長干花回望長洲樹恐起憶家心愁

題送君句

豈非送周四孝廉後酒醒夜聞雁聲
別時酒忽醒客去惟空舍風雪雁聲來寒生石
城夜遙憶渡江船正泊楓林下

洪武二年八月十三日元史成中書表進
詔賜纂修之士一十八人銀幣且引對

上獎諭擢授庶職老病者則賜歸于鄉闕二
日中秋諸君以史事甫成而佳節適至又
樂寵賜之優渥而惜同局之將違也乃卽

所寓天界佛寺之中庭致酒爲翫月之賞
分韻賦詩以紀其事啓得衢字云

聖主念前鑒述作徵名儒羣來高館間厠跡愧
我愚孰謂此責輕毫端有褒誅書成進丹陛名
對共拜趨去留雖不同雨露均沾濡已淹三時
勞可廢一夕娛況逢端正月當空照眉鬚流光
滿金界境與人間殊廣庭布長筵嘉肴薦芳腴
豈惟多士集亦有名僧俱興酣貴形忘諧笑不
復拘觴行豈辭數仰看轉斗樞明晨卽分袂此

樂誠須臾

答定水寺芭公

日晏初出院間齋一蕭然忽在名僧書始知在
清泉憶昔雲巖居共締林中綠夏陰繞澗吟秋
霽開閣眠睽合苦難常別來歲頻遷趣同貴道
在跡異慙名牽明日出東海想照空山禪無因
荷衣襍往禮高峰前

過白鶴溪

昨發白鷺洲今過白鶴溪溪流幾迴轉只在晉

陵西月出女猶浣雲深猿自啼茅峰雖只尺無
計躡丹梯

至吳松江

江淨涵素空高帆漾天風澄波三百里歸興與
無窮心期弄明月迢遞辭金闕晚色海霞銷秋
芳渚蓮歇久別釣魚磯今朝始拂衣忘機舊鷗
鳥相見莫驚飛

始歸田園

辭秩還故里永言遂遐心豈欲事高蹇居崇自

難任清晨問田廬荒溪尚能尋秋蟲語左右翳
翳桑麻深別來幾何時舊竹已成林父老喜我
歸攜榼來共斟問知天子聖歡然散顏襟相期
畢租稅歲暮同謳吟

答張院長雨中見懷

林園寢扉掩閒坐道心生山藥翻寒色塘漪含
曉清乍違枉芳札遠憶愧深情此日知同寂梧
窗聽雨聲

施澤阻風

客行阻風濤捨舟步江側芳村經戰餘草木盡
愁色夜投土屋中月出林半黑燃薪燎我衣炊
黍作我食夜長關塞寒歸夢何由得遙想倚閭
親中宵淚橫臆

石倉十二代詩選

明詩卷之十三

正鳴集

下

大明

吳郡高

啓著

後學曹學佺閱

江上看花

兩季京師不見花青衫白馬驅塵沙今季江邊
偶無事狂醉爛熳尋春華游蜂飛蝶日妍暖紅
紫正發紛交加穿蹊每入隣媪圍叩門或到山
僧家漸老都無少季樂底用簫鼓隨行車攀條
繞樹對吟詠不忍歸去至日斜花應得我相慰

賞似笑欲舞爭矜誇我如無花亦寂寞閉戶有
酒誰能賒夜來茅屋臥雲雨曉起走看成咨嗟
飄英墜萼不可綴餘艷只似銷殘霞明知春色
不久住豈料便去難留遮野鶯啼罷一回首恨
與芳草盈天涯

謝陳山人贈其故弟長司所畫山水

大髯袖中有廬霍嵐氣噴人寒色薄出贈生絹
一幅圖云是小髯之所作我嘗游君伯仲間仲
今已沒空見山畫中無限礧礧意使我坐看愁

滿顏重巖複澗迷樵路煙蘿冥冥書如暮溪閣
風生醉客眠野橋月出歸僧度檝林蒙密楓林
高深處似有猩猩號滿空雲凍動秋思飛泉落
日何蕭騷揮毫若此難再得白鶴何時返鄉國
良工自古多苦心留賞人間賴遺墨南宮北苑
皆已仙此圖與之當竝傳坐嗟存沒意難報作
歌愧匪瓊瑤篇

題武昌魏槃所藏畫

楚山遠吐參差碧虛閣開臨繫船石沙樹凋時

鄂渚秋江鷗沒處
湘潭夕閣中
幽人坐讀書
書聲入水驚龍魚
欲吹短笛相尋去
黃鶴磯頭好待予

題韓長司所畫山水圖

參卿昔在西安幕
騎馬看山時
出郭終南泰華勢
最高橫
作秋雲掃寥廓
秦川漢苑萬里開
酒醒望遠登荒臺
日斜渭上歸人渡
岳暗關中飛雨來
此處奇觀絕天下
何事歸來又看畫
畫中小景似江南
黃葉漁村見煙舍
莫戀江南真故

鄉葦鱸炊熟酒船香
美人不是滄洲客
去去宜登白玉堂

夜發錢清

錢清渡頭船夜開
黃茅苦竹聞猿哀
客官醜酒水神廟
風雨滿江船正來
蒸飯炊魚坐篷底
不覺舟行兩山裏
棹歌早過越王城
東方未白啼鴉起

獨遊雲巖寄周砥

城西諸山非不奇
我游獨與諸山宜
紅櫻春開

山後寺白水夏滿山前陂幽居況與山不遠鐘
鼓每到空齋帷雨餘煙中落日下曳杖往讀頭
陀碑兩巖蒼蒼石色古枇杷樹高陰滿地殿燈
欲昏上羣鼠塔鈴已靜蹲孤鴟興來卽游興盡
返迎送豈要山僧知困窮喪亂豈無感正賴此
境忘吾悲嗟君何爲乃自苦破羈短策塵中馳
挂帆能來亦非晚浦口三日南風吹

練圻老人農隱

我生不願六國印但願耕種二頃田田中讀書

慕堯舜畱待四海昇平季却愁爲農亦良苦近
歲征役相煩煎養蠶惟堪了官稅賣犢未足輸
丁錢虬髯縣吏叩門戶鄰犬夜吠頻驚眠雨中
投泥東鑿塹冰上渡水西防邊幾家逃亡閉白
屋荒村古木空寒煙君獨胡爲有此樂無乃地
邇秦溪仙門前流水野橋斷不過車馬惟通船
袂風初涼近芒種戴勝曉鳴桑樹顛短衣行隴
自課作兒子饁後妻耘前白頭雖復勞四體若
比我輩寧非賢旅游三十不稱意季登未具粥

與儻便投筆硯把耒耜從子共賦幽風篇

嘗蒲桃酒歌

西域幾季歸使隔漢宮遺種秋蕭瑟誰將馬乳
壓瑤漿遠餉江南渴吟客赤霞流髓濃無聲初
疑豹血淋銀鬕吳都不數黃柑釀隋殿虛傳玉
薤名聞道輪臺千里雪獵騎弓絃凍皆折試唱
羌歌勸一觴毳房夜半天迴熱絕味今朝喜得
嘗猶含風露萬珠香牀頭如能有五斗不將輕
博涼州守

牀屏山水圖歌

畫師知余愛青山久墮塵網無由還故將列岫
寫屏障使我臥起于其間從此長如宿清境枕
上分明見峰嶺爐煙曉入帳中飛擁被驚和白
雲冷丹巖碧樹層層開江雨遠逐孤帆來就中
樓閣是何處彷彿神女巫陽臺楚山修竹瀟湘
水似有清猿忽啼起江南千里夢游歸半牀落
月高堂裏

方隱君山園

吳興城南山水勝竹樹參差萬家映幽深誰似
隱君園車馬不來雞犬靜兩溪迴通柳巷曲一
峰立對柴門正東西別墅恰更好孤棹往來隨
晚興總令種菜不種桃新製長鑿木爲柄家童
頗解候天時鄰叟還能論地性交交林路霧復
開活活野泉流不定清晨聞鳥欣獨往濃綠潑
晴畦色淨老葉垂根孤蚓號殘英綴梗羣蜂競
乍縈新蔓喜籬長欲迸耽牙嫌土硬此時採擷
自足飽肯爲食肝煩縣令古來名園悉可數金

谷辟疆誇獨盛鑿石圓開弄月池買花深作行
春徑愛妾宵陪秉燭宴狎朋晝接流觴詠長季
歡樂豈知極迴首芳菲屬他姓只今誰解問遺
蹤斷甃摧垣無一剩乃知厚業要德守那得衰
榮但言命君能勤儉遺子孫應有佳名書郡乘

明皇秉燭夜游圖

華萼樓頭日初墮紫衣催上宮門鎖大家今夕
宴西園高燄銀盤百枝火海棠欲睡不得成紅
妝照見殊分明滿庭紫燄作春霧不知有月空

中行新譜霓裳試初按內使頻呼燒燭換知更
宮女報銅籤歌舞休催夜方半共言醉飲終此
宵明日且免羣臣朝只憂風露漸欲冷妃子衣
薄愁成嬌琵琶羯鼓相追續白日君心歡不足
此時何暇化光明去照逃亡小家屋姑蘇臺上
長夜歌江都宮裏飛螢多一般行樂未知極烽
火忽至將如何可憐蜀道歸來客南內淒涼頭
盡白孤燈不照返魂人梧桐夜雨秋蕭瑟

黑河秋風引賦趙王孫家琵琶蓋其名也

胡天夜裂天垂泣雲壓鷹低翻翅濕
王醉影拖寒驚羶殿嘈嘈箭鳴急
紅冰淚落衰燈下倒卷河流入絃瀉
瘦駝臥積歇鈴車朴朔陰沙鬼行野
漢魂私語鬢風淒都護營荒咽凍輦
蘭山木葉連愁起散入寒門三萬里
夢斷金蟾隔燵小青冢埋聲秋不曉

泉州陳氏婦夫泛海溺死守志

妾家溫陵近南浦嫁得良人業爲賈
良人季長愛遠游不敢新妝映門戶
販寶遙聞去百蠻朝

朝海上望青山不仁無那蛟龍橫漂沒孤舟那
得還君非渡河老狂父波濤如山何不顧尋屍
便欲赴窮淵膝下嬌兒誰與哺十載空閨守寸
心滄溟水淺恨情深願身不化山頭石化作孤
飛精衛禽

江上晚過鄰塢看花因憶南園舊游

去年看花在城郭今年看花向村落
花開依舊自芳菲客思居然成寂寞
亂後城南花已空廢園門鎖鳥聲中
翻恰此地春風在映水穿籬發

幾叢去年時游伴俱何處祇有閒蜂隨繞樹欲慰
春愁無酒家殘香細雨空歸去

會羣香水溪

粉痕凝冰春溶溶暖香流水銅溝宮月明曾照
美人浴影與桃花相間紅玉肌羞露誰能見只
有鴛鴦窺半面絳綃圍掩怯新涼歸臥芙蓉池
上殿空洗鉛妝不洗妖坐傾人國幾良宵驪山
更有湯泉在千古愁魂一種銷

贈丘老師

長春之孫自仙骨袖有蟠桃食遺核平生不學
燒永方唾視黃金等何物滿城誰識舊庚桑白
髮人中似鶴長時上高樓惟獨醉榴皮書破壁
塵香

美人題朱氏梅雪軒

石城山居梅萬塢冒雪曾來扣僧戶爛然如見
會羣妃白鳳繽紛下瑤圃數片輕吹着鬢華乍
看是雪又疑花迷魂亂眼春如海那辨南枝映
竹斜獨披鶴氅穿林去棟壓寒梢應幾樹聽響

方知夜酒時聞香始識繁開處回首春風憶舊
游夢尋歸路隔羅浮季來驢背無詩思醉踏塵
埃空自愁

石崇墓

蚪須欲怒珊瑚折步障圍春錦雲熟真珠換妾
勝驚鴻笑踏香塵如踏空酒闌金谷鶯花醉家
逐樓前舞裙墜財多買得東市愁羅綺散盡餘
荒丘猶憐白首同歸者坐伴游魂楓樹下

太湖石

没人采石山根淵投身不試飢蛟涎馮夷不解
護潛寶幾片捧出如青蓮寒姿本是湖水骨波
濤激擊應千季初疑鬼恠離洞府珊瑚鐵網相
鈎連嵌空突兀多異態雲吐夏浦芝生田龍鱗
含雨脫猶潤豹質隱霧朝常鮮清音叩罷磬韻
遠微靨洗出珠窩圓坐移各岫置庭砌日照仿
彿生紫煙三峰削成泰華掌一穴透入仇池天
醉中時倒倚蒼蘚秋風冷逼吟詩肩洛陽園墅
汴宮苑當時駟列誇奇妍黃羅封蓋素氈裹萬

里貢餉勞車船奢游事歇家園廢盡仆荆棘荒
池邊人生嗜此亦可笑有身豈得如石堅百季
零落竟誰在空品甲乙煩題鐫又嗟此石何獻
巧自名鑿取虧天全不如頑礪世所棄蒲山長
作牛羊眠

客舍雨中聽江卿吹簫

客中久不聞絲竹此夕逢君吹紫玉斷猿哀雁
總驚啼我亦無端淚相續數聲嫋嫋復鳴鳴散
入寒雲細欲無愁望洞庭空落木夢游秦苑總

荒蕪曲中只訴君心苦不道人聽更悽楚關山
燈下歎羈臣江浦舟中泣嫠婦憶昨聞門費酒
貲玉人邀坐弄參差彩霞深院花開處明月高
樓鶴去時如今忽在他鄉外風雨寒窗兩憔悴
恨無百斛金陵春同上鳳凰臺上醉始知嶰谷
枯篁枝中有人間無限悲願君袖歸挂高壁莫
更相逢容易吹

贈金華隱者

我聞名山洞府三十六一一靈踪紀真錄金華

秀出向東南遠勝陽明與勾曲樓臺縹緲開煙
霞天帝賜與神仙家靈源有路不可入但見幾
片流出雲中花子房之師亦松子三千季前亦
居此飛來恍惚誰解尋謾說至今猶不死松花
酒熟何處游瑤草自綠春巖幽羣羊臥地散如
石老鹿耕田馴似牛聞有隱君子乃是學仙者
自從入山中不會到山下世人莫知其姓名以
山呼之不敢輕樵夫忽見苦未識只疑便是黃
初平嗟我胡爲在塵網遠望高峰若天壤茯苓

夜煮倘許餐鑊杖來敲石門響

春初來

春初來柳條欲舒花未開
曉日窗前鳥聲喜似
報春來喚人起東風吹暖入
煙痕綠遍江南幾
千里去季春去意愁人
倏忽今季又見春但欲
逢春醉盃酒不管相思成白首

烏夜村

荒村烏夜棲忽繞月明啼
生得東家女身爲萬
乘妻至今種高樹不遣烏
飛去居人凡幾家愛

聽啼啞啞啼啞啞勿驚
惟婦開門向烏拜

次韻過建平縣

縣雖三戶小地僻罷兵防
茶市逢山客楓祠祭
石郎雲埋鳴澗斧沙
壓度溪航應愛青山好
經
過駐客裝

雨逢

楚雨滿汀洲瀟瀟灑灑
客舟夢驚孤枕夜愁掩
一
逢秋葦葉寒相戰灘聲
暗共流此時湘浦上同
聽只沙鷗

梧桐

井邊雙玉樹高結自生涼影散秋雲薄聲喧夜
雨長踈英飄碧簾亂葉響銀牀綠綺誰能斲持
將奏鳳凰

圍棋

偶與消閒客圍棋向竹林聲敲驚鶴夢局罷轉
桐陰坐對忘言久相攻運意深此間元有樂何
用橋中尋

篔簹

蠻藤巧織成乍展覺涼生紋蹙寒波細光搖夜
月明坐令葵扇棄眠與石牀平須信南軒下炎
天夢亦清

流螢

熠熠復青熒流光不自停暗飛如避月遠墮欲
隨星穿樹臨幽檻綠莎集小庭莫將羅扇撲囊
取照遺經

錢塘送馬使君之吳中

樟亭離席散遙發畫幡車飛雉新阡麥啼鶯故

苑花望山登郡閣行水到田家莫道凝香句前
人獨可誇

和周山人見寄寒夜客懷之作

亂世難爲客流季易作翁百憂尋歲暮孤夢怯
囊空門掩雲峰裏燈明雪竹中無因乘夜訪相
慰一尊同

城西客舍送周著作砥

客中寒食後惆悵送君違花隱歸城旆風吹渡
水衣夜窗炊黍散春苑鬪茶稀誰念西齋雨相

思獨掩扉

西清對雨

楚臺雲起迥漢苑雨來微曉濕宮城旆寒沾陛
楯衣溝中隨葉墮爐畔帶煙飛坐詠西清暇君

王召對稀

送張司勳赴寶慶同知

乍出司勳幙還乘別駕車按圖猶漢地輸布盡
蠻家山熟蛇懸樹江晴鶴浴沙郡樓回首處北
斗近京華

寓天界寺

雨過帝城頭香凝佛界幽
果園春乳雀花殿午
鳴鳩萬履隨鐘集千燈入鏡流
禪居容旅跡不覺久淹留

送前進士夏尚之歸宜春

淒涼庾開府老去復何如
故國歸鴻少新潮振
鷺多菊荒應自嘆麥秀竟誰歌
相送堪愁思蕭蕭楚水波

送鮑翰林遷官陝右

鑿坡初罷直西去惜離羣
載筆唐供奉寒帷漢
使君濁流河驛雨高樹嶽祠雲
公暇應懷古登臨賦夕曛

送前國王助教歸臨川

去國獨依依羈臣淚濕衣
夢中燕月冷望裏楚
山微世變人驚老身全詔許歸舟
前楓葉落應到故園扉

送潘巡簡之閩中

京師到閩海秋色幾程餘
莎柵山兵守榕林島

戶居曉衙雞應鼓晚邏騎隨車清世無他警將
軍好讀書

送朱從事之吳興

釋褐方從宦青山故郡鄰草深湖帶雨花暗驛
藏春鼓聚祈蠶女舟逢射鴨人幙中應久待徒
此惜離辰

京師寓解呈知己

誰言舊隱非獨處靜相依綠樹城通苑青山寺
對扉官閒休直早客久夢還稀是物春來典惟

存舊賜衣

贈張省郎

漢署早爲郎長遊鳳沼傍雞知壺水候馬識火
城光每載趨曹筆時薰直省香邊書無一羽冠
蓋得翱翔

甘露寺

勝地江山壯名林歲月遙利藏京口樹鐘送海
門潮月黑龍光吐天清蜃氣銷何當尋狼石閒
坐話前朝

何隱君小墅

移家營別墅一逕竹扉開
泉滿疏渠放花多借地
栽壁間田器挂窗裏
浦帆來自戀幽居樂誰
言是棄材

贈張明府

聞道彈琴處門前柳帶沙
海珍通估市湖稅減
漁家暮港迷荷葉秋
田間豆花亂來無此地
君政亦堪誇

溪土

秋色共溪長游人笑語涼
萍開天倒影蓮墮水
流香魚留和星流禽且帶雨
張從今搖桂棹不
必問瀟湘

寄錢塘諸故友

季少客名都狂游每共呼
荷深箏在舫竹靜矢
鳴壺明月湖千里殘陽雨
半湖故人能念否歡
意共來無

題張靜居畫

楚客寫荆岑秋雲隔浦陰
人家連橘塢水廟暎

楓林亂後清游歇愁邊遠色深相看休向晚怕
有峽猿吟

答陳則見寄

何由慰遠思獨詠寄來詩行路方難日清秋欲
盡時江多驚雁火樹少宿烏枝早晚如相見應
憐有鬢絲

晚次西陵館

匹馬倦嘶風蕭蕭逐轉蓬地經兵亂後歲盡客
愁中晚渡新潮急寒山舊驛空可憐今夜月相

照宿江東

送僧恬歸靈隱

遊方應未久柳色變新季在路逢春雪還山訪
冷泉鐘催投寺錫燈照泊江船法意休多問無
言卽是禪

江上寄王較書行

寥落舊歡違江邊獨掩扉鄰家聞暮笛客舍試
春衣宿鳥歸山亂行人渡水稀相思比花絮斜
日繞城飛

微恙江館夜作

寒燈坐江館愁逼歲闌珊苦恨應催老微疴似
忘閒雞前星列屋雁外月臨灣明日將來藥身
猶懶入關

送柔上人得船字

叢林初結夏東去又飄然罷說天台講行參雪
竇禪殘經松下几遠磬月中船不用悲離別師
今絕妄緣

中秋琵琶洲宴集得紅字

香霧夕濛濛孤高桂樹東影踈林際月涼近水
邊風重露流杯綠繁星亂燭紅明奉江海上高
會與誰同

過劉山人園

欲問幽棲處花溪逐澗迴夕煙羅幕卷春雨藥
房開野鶴知琴意山蜂給酒材城中少閒客誰
解引車來

送胡銓游會稽

山水獨行徧茗溪仍剡溪衣逢新火減舟渡雜

歷代詩選 明高季雅 卷十三
花迷黃絹尋碑讀紅裙賭墅攜蘭亭舊基在觴
咏付新題

鐘山雲齋圖

山勢識龍蟠香臺擁翠巒草堂猿嘯晚蕙帳鶴
驚寒雲擁梁僧塔苔封宋帝壇昔年游歷處今
向畫中看

次韻陳留公見貽湖上行屯之作

湖陰巡壘罷緩服上仙舟景好看宜晚詩清賦
爲秋葉應隨鳥散山欲趁波流亦有東遊興空

憐未得酬

鄰家桃花

春色東家出相窺似有心曲垣遮自短別院閉
還深影動疑人折香搖妬蝶尋好風時解意吹
片拂羅襟

和王較理夜坐

池暝花如霧蒼蒼月照開梁空雙燕睡簾暗一
螢來兵散誰家笛人違此夜杯如何對清景愁
思卻相催

宿道王蘭若

借榻到僧扉雖安未是歸
暝禽愁雪意夜篠助
風威燭盡思燃帶衾寒起
覆衣不知孤棹去明
夕更何依

除夕客中與家兄守歲

雨雪遠村中猿鳴旅館空
守爐銷宿凍停燭待
春風有恨能催老無文解
送窮卻憐今夕酒還
與弟兄同

西園開典

看到竹過鄰園林獨臥身
鳥聲閒似野人意倦
如春殘雨驚池樹斜陽照
隙塵如何堂上客不
及燕來頻

步至東臯

斜日半川明幽人每獨行
愁懷逢暮慘詩意入
秋清鳥啄孤楊碎蟲懸落
葉輕如何得歸後猶
似客中情

郊墅雜賦七首

江水舍西東鄰家是釣翁
路痕深草沒井脉暗

唐伯言詩選 明高季雅
潮通籬隔蔬邊雨門開竹下風不因時賣畚何
事入城中
幽事向誰誇孤吟對晚沙浣衣江動月繫艇岬
垂花行蟻如知路歸鳧自識家一尊茅屋底隨
意答春華
移家到渚濱沙鳥便相親地僻偏容懶村荒卻
稱貧犬隨春餼女雞喚曉耕人願得無愁事閒
眠老此身

紛紛謝人役寂寂戀吾居細雨春雪後斜陽社
飲餘岬花飛趣蝶池葉墮驚魚好了公家事休
令吏到廬

路迂橋斷處門靜犢眠時孤墅藏羣柳諸田灌
一陂僮閒春作少婦懶午炊遲誰道花源好還
令太守知
入夜潮侵戶經秋雨壞垣里人淳少訟田父醉
多言稻蟹燈前聚莎蟲機下喧自應耽野趣不
是戀鄉園

欲沾嗟市遠煙火隔江波客到寒齋少人歸晚

歷代詩選 明高季迪 卷十三 三
渡多汗書燈燼落驚枕櫓聲過豈敢愁荒寂時
危免負戈

臨頓里

沐罷便輕幘消搖詠晚天清風蘇病鶴驟雨集
鳴蟬舊史堆緗素新經錄洞玄誰知城郭裏別
自有林泉

夜起觀月

一春夜多雨今宵初月明窗間幽夢覺起憶故
園行露下花微委燿中鳥忽鳴誰同賞清景惆

帳倚前楹

晚霞獨酌南樓

倦客豈遷客故鄉非異鄉鱸肥葦菜紫雁響柳
條黃湖濶已秋雨樓高猶夕陽登臨何必賦把
酒據胡牀

題宋廸晚煙歸舍圖

落日下山嶺行人逢已稀煙中望田舍水次掩
荆扉鳥亂夕林暗草多秋逕微家人應候我賣
畚到城歸

送鮑修撰出官關中

辭朝西入陝車發動征塵小麥行時熟啼鶯別
處頻關前周故尹灞上漢遺民直院青綾舊臨
川赤組新山連樂遊苑樹繞富平津君去方季
少還能論過秦

翫花池

桃枝兼杏葉春色繞宮池正愛紅繁處還憐綠
淨時花香泛幽池媚影照清漪垂條看妓折墮
萼見魚吹盃涵明月瀉舟逐彩霞移水流花落

盡君王醉不知

詠夢

的的緣愁得濛濛與醉和輕隨雲浩蕩暗越嶺
嗟峨夜店嗟偏短春閨思最多關山歸識路江
渚去淩波蝴蝶誰家信鴛鴦別浦歌靜嫌風動
竹鬪怯雨鳴荷寂歷窗倚紙低遲帳捲羅知情
惟枕共送恨忽鐘過縞袂香猶在朱絃字不磨
陽臺莫重問千載笑巫娥

奉迎車駕享太廟還宮

鳴蹕聲中曉伏廻錦裝馴象踏紅埃半空雲影
看旗動滿道天香捧駕來漢酎祭餘清廟閉舜
衣垂處紫宮開禮成海內人皆慶獻頌應慙自
乏才

九日陪諸閣老食賜糕次謝授經韻

叨陪講席接詞曹曉禁霜花點素袍院貯圖書
西掖靜雲連宮殿北山高故園莫憶黃花酒內
府初嘗赤棗糕最愛鳳毛今復見便令池上一
揮毫

送沈左司從汪叅政分省陝西

重臣分陝去臺端賓從威儀盡漢官四塞河山
歸版籍百季父老見衣冠函關月落聽雞度華
嶽雲開立馬看知爾西行定回首如今江左是
長安

吳僧日章講師赴召修蔣山普度佛事既
罷東歸送別

萬人擁坐聽潮音寶刹曾迂玉駕臨佛法晨敷
三藏秘帝恩春及九原深鍾山坐處花頻雨練

唐何遜題
明高季迪
五
李
浦歸時樹欲陰
擬問楞伽嗟已別
楚江飛錫暮
沉沉

清明呈館中諸公

新煙著柳禁垣斜
杏酪分香俗共誇
白下有山皆繞郭
清明無客不思家
卞侯墓上迷芳草
盧女門前映落花
喜得故人同待詔
擬沽春酒醉京華

送易左司分省廣西

朝廷特念遠民深
畫省分官出桂林
油幕乍開

依漢節卉衣時到
貢蠻金四時花發
山多暖半日嵐開
市尚陰虞帝祠前
黃竹裏相思莫聽
鷓鴣吟

送葉判官赴高唐時使安南還

銅柱巖前使節過
貢隨歸騎入京多
一官暫遣陪成瑨
片語曾煩下趙陀
曉拜賜衣辭絳闕
秋催征棹渡黃河
政餘好賦登臨咏
聞說州人最善歌

寄題安慶城樓

層構初成百戰終憑高應喜楚氛空山隨粉堞
連雲起江引清淮與海通遠客帆檣秋水外殘
兵鼓角夕陽中時清莫問英雄事回首長煙滅
去鴻

送丕上人還四明育王寺

解夏還尋舊寺棲滿船黃葉過長溪袈裟影入
秋山遠舍利光懸夜塔低鵝識講時常繞聽猿
知定後不驚啼卻慚擾擾塵中客覺路如今去
尚迷

送吳生赴汴省其父指揮

都亭槐雨淨朝埃彩服逢秋試剪裁定遠未歸
雙節在孝廉初去一船開城依梁苑煙中閉河
繞隋堤樹裏迴家慶拜餘尋舊跡夕陽騎馬過
繁臺

夜聞吳女誦經

雲窗月帳散花多閒讀金經夜若何嬌舌乍彈
鶯學語芳心已定井銷波尼師曾教青蓮偈女
伴徒爲白苧歌聽處若迷空色相應須愁殺病

維摩

遊南峰寺有支遁放鶴亭

每向人間望碧峰石門今得問幽踪
路緣風磴泠泠策寺隔燁蘿
杳杳鐘窗下鳥來多
墜菓亭前鶴去只高松
一龕願借依香火莫道詩人少
戴顓

次韻楊署令雨中臥疾

雙桐分蔭曉池清乍喜新晴覺病輕
蛛曳林風吹欲斷鷺經沙雨洗偏明
吟多梢怯開窗寫臥

久渾忘出市行不道春歸踰一月
起聞歌鳥尚疑鶯

送何記室遊湖州

暮雨關城獨去遲少季心事蒯緱知
故人當路輕貧賤倦客逢秋惡
別離踈枿一旗江上酒亂山孤棹道中詩
水嬉散後湖亭廢此去煩君弔牧之

賦得寒山寺送別

楓橋西望碧山微寺對寒江獨掩扉
船裏鐘催

行客起塔中燈照遠僧歸漁村寂寂孤煙近官
路蕭蕭衆葉稀須記姑蘇城外泊烏啼時節與
君違

送何明府之秦郵

馬前風葉助離聲楚驛都荒不計程一令尚淹
三縣事幾家曾見十季兵夕陽遠樹煙生戍秋
雨殘荷水繞城父老不須重歎息君來應有故
鄉情

婁江寓舍喜王七隅見過卻送還郭

送君只過孝廉橋不似君來訪我遙路未同歸
鴻杳杳門方孤掩竹蕭蕭遠愁忽與鐘聲至殘
醉微兼燭燼銷莫道扁舟難重過寒江日日有
回潮

答呂山人見寄

一罷僧房看竹期行吟何處復相隨煙波遠渚
難尋路風雨幽窗忽送詩故舊誰非嗟別者鄉
園同是憶歸時莫愁孤館春寥落且向江干避
亂離

送周省郎之海虞判官

黃茅連野邑城荒佐邑初
煩舊省郎雁起海風
吹暮角雞鳴關月照
晨妝讀書臺下逢人少
濡墨廳中憶尉狂
君到官曹無事日
一尊爲我酌斜陽

贈林泉民張夢辰次張貞居外史韻

雨船幾度載狂客
詩卷平生隨老翁
林下自成麋鹿友
世間相去馬牛風
曉窗炊熟露葵紫
秋寺寫殘霜葉紅
他日倘修耆舊傳
著君應在隱

淪中

倚樓

西館樓前見雁行
桂花初白柳枝黃
凭欄有客迎秋思
捲箔誰家出晚妝
未放離魂尋楚雨
已看歸鬢點吳霜
自憐對酒還惆悵
不及分司御史狂

送錢塘守

繁華莫歎異昇平
到郡初煩露冕行
幙下吏書催署字
湖中妓舫歇歌聲
潮來兩渡皆侵岸
日

落諸山半入城休沐南屏煩一到松間尋我舊
題名

陪臨川公遊天池

騎馬尋幽度嶺遲老僧曾識使君誰門開紅葉
林間寺泉浸青山石上池殘果已收猿食少枯
松欲折鶴巢危壁間不用題名字無限蒼苔沒
舊碑

宿張氏江館

極浦荒雲一棹行遠投江館駐宵程客中得酒

銜悲喜亂後逢人說死生木葉未空寒鳥聚海
潮初上曙雞鳴政憐此地無驚擾歸夢如何又
入城

送李使君鎮海昌

海風千里捲雙旌按轡初聞屬部清人雜島夷
爭午市潮隨山雨入秋城鳴狐不近睢陽廟突
騎猶屯廣利營宵掃帳中容我醉夜深燃燭臥
談兵

賦得惠山泉送客遊越

歷代詩選 明高季雅
雲液流其漱石牙潤通錫麓樹增華汲來晨冷
和山雨飲處春香帶瀑花合契老僧煩每護修
經幽客記曾誇送行一斛還堪贈往試雲門日
注茶

寄題張著作菁山隱居

霞映青山似赤城歸棲聞已謝時名半湖殘雨
收虹影幾樹斜陽帶鳥聲竹下逢僧投杖揖蘿
間候客抱琴行平生應笑王夷甫末路方言少
宦情

喜逢賀叔庸送還錢塘

甌來還去獨翩翩賀監清狂已欲遷三日小樓
延解榻幾人南浦送回船雁呼舊侶投雲外梅
試初花在雪前歸去西湖柳邊宅應娛鶴髮慶
新季

送伊兵曹赴邊

少季恥着惠文冠幙下時時把劔看官燭未銷
雞送曉軍笳忽動馬嘶寒關連雲樹征途迥塞
接霜蕪戰地寬見說長平門下客奇材惟有一

任安

吳下聞梁賓客子天爵復送還會稽

識君京國斲相從別去堪憐此再逢
共把一盃官市酒初聞半夜客船鐘
吳洲雁落潮痕淺越嶠猿啼樹影重
曾作尊翁舊僚屬臨分離恨倍人濃

江村

南園薰風吹葛衣汀花未落呷花稀
水神廟下莎侵路江叟門前柳映磯
犢臥已知耕耒歇鷗

驚長見釣船歸天隨宅畔吾曾住
留得閒鷺出夕暉

田園書事

西園春去綠陰成已覺南窗枕簟清
簾捲斜陽歸燕入池生芳草亂蛙鳴
葉過穀雨花猶在衣近梅天潤易生
獨坐正知閒晝永吟餘消盡篆煙輕

靈巖寺

閒上香臺望下方漁村樵塢晝蒼蒼
傾城人遠

歷代詩選 明倫彙編 家範典 卷之三十三
三十三
苔生逕歸寺僧稀葉滿廊雲散池邊留塔影雨
來天外失湖光廢興皆幻何須問獨自吟詩送
夕陽

喜宋山人見過

攜琴遠趨渡江船煩覓幽踪浦樹邊別久忽看
梅早發話長應讓雁先眠一冬多暖天無雪半
夜初寒月有煙回首舊遊君莫念歸來好種葑
門田

上巳有懷

春寒渾未減征衣愁對佳辰坐掩扉江上琴書
留滯久水邊車馬被除稀閒園細雨梨花落廢
苑平蕪燕子飛欲覓蘭亭會中友幾人遷謫未
能歸

蘆花簾

蒹葭織出緯蕭機未許蝦鬚獨銜奇寒雪照庭
晴不捲白雲當戶晝長垂恍疑柳絮風穿早不
管梨花月到遲自是楚江秋一片移來休使白
鷗知

附 佳 和詩

璇宮皇女不停梭織得疎簾映薜蘿漁父閒眠
鈎畔雪洛神微步隙中波還同魯縞穿風薄詎
比湘筠染淚多幾度塞鴻飛不過蕭蕭月影恐
張羅

過吳淞江風雨不可渡晚覓漁舟抵松陵

官館

風雨方知客路難飛鴻相逐渡江湍港收漁市
舟歸晚門掩官廳燭對寒此地昔季魯遠宿何

人今夕共清歡枕邊不爲江聲急夢寢憂時未
得安

梅花六首

瓊姿只合在瑤臺誰向江南處處栽雪滿山中
高士臥月明林下美人來寒依踈影蕭蕭竹春
掩殘香漠漠苔自去何郎無好詠東風愁寂幾
回開

縞袂相逢半是仙平生水竹有深緣將踈尚密
微經雨似暗還明遠在煙薄暝山家松樹下嫩

寒江店杏花前秦人若解當時種不引漁郎入
洞天

翠羽驚飛別樹頭冷香狼籍倩誰收騎驢客醉
風吹帽放鶴人歸雪滿舟淡月微雲皆似夢空
山流水獨成愁幾看孤影低徊處只道花神夜
出遊

淡淡霜華濕粉痕誰施綃帳護香溫詩隨十里
尋春路愁在三更掛月村飛去只憂雲作伴銷
來肯信玉爲魂一尊欲訪羅浮客落葉空山正

掩門

雲霧爲屏雪作宮塵埃無路可能通春風未動
枝先覺夜月初來樹欲空翠袖娉婷依竹下白
衣瀟洒住山中寂寥此地君休怨回首名園盡
棘叢

夢斷揚州閣掩塵幽期猶自屬詩人立殘孤影
長疑夜看到餘芳不是春雲暖空山栽玉徧月
寒深浦泣珠頻掀蓬圖裏當時見錯愛橫斜卻
未真

歸吳至楓橋

遙看城郭尚疑非不見青山舊塔微
官秩加身惟幻境鄉音到耳是真歸
夕陽寺掩啼鳥在秋水橋空乳鴨飛
寄語里閭休復羨錦衣今已作荷衣

石牛

一拳恠石老山巔頭角崢嶸幾百
年毛長紫苔春夜雨身藏青草夕
陽天中宵望月何曾喘盡日看雲
自在眠惱殺牧童呼不起數聲長
笛思

悠然

吐月峰

四更棲鳥驚山白初上月起開東
閣看正在雲峰缺

題雜畫

夕陽數峰遠靄靄江南思烟外有
鐘聲山僧獨歸寺

爲外舅周隱君題雜畫五首

斜陽榜釣船秋色滿江天彷彿吾
家近沙村落

雁邊
白鶴忽飛還松杉靄然暝明月出溪橋照見支
筇影

落葉帶回吹荒筠冒幽石池上鳥鳴時閒齋掩
秋夕

山深嵐氣寒高齋掩窗臥林間踏葉聲知有樵
人過

西寺晚歸

遠寺別僧歸隨鐘出煙嶺犬吠竹林間斜陽見

人影

江上酒家

門戶暎垂楊春槽酒聲瀉幾度望高帘歸帆雨
中下

雁

初到別胡沙樓頭度影斜江南秋月好隨意宿
蒹葭

寧真道館夜觀茆隱君畫

看山如見君君家在山下仙館憶君時明燈對

歷代詩選

明高本苑

三

圖畫

晚尋呂山人

小艇載琴行
松花落晚晴
君家最可認
隔樹有書聲

喜從兄遠歸

聞汝歸舟到
相迎只恐遲
方當見時喜
還憶別時悲

林下

樹涼山意秋
雲澹川光夕
林下不逢人
幽芳共

誰摘

得家書

未讀書中語
憂懷已覺寬
燈前看封篋
題字有平安

蔡村田家

田中未聲歇
煙火西林起
獨立候歸人
柴門夕陽裏

夢中作

悠悠衆擾去
寂寂孤吟歇
雨過蒲窗涼
高林上

歷代詩選

月高本苑 卷十三

七

明月

山中別寧公歸西塢

一上香臺看落暉
沙村孤樹晚依依
老僧不出青山寺
只有鐘聲送客歸

過保聖寺

隔江寒霧隱樓臺
遠逐鐘聲放艇來
亂後不知僧已去
幾堆紅葉寺門開

宮女圖

女奴扶醉踏蒼苔
明月西園侍宴迴
小犬隔花

空吠影夜深宮禁
有誰來

過山家

流水聲中響緯車
板橋春暗樹無花
風前何處香來近
隔掩人家午焙茶

雲山樓閣圖

碧樹香臺錦繡連
畫師應見亂離前
如今風景那堪寫
廢寺空山鎖暮煙

雨中春望

郡齋高望見江頭
油壁行春事已休
落盡棠梨

寒食雨只應啼鳥不知愁
逢吳秀才復送歸江上

江上停舟問客踪
亂前相別此相逢
暫時握手還分手
暮雨南陵水寺鐘

次韻春日漫興

水邊簾幙遠籠花
遊女時時出浣紗
記得橫塘沽酒處
畫船明月載琵琶

偶睡

竹間門掩似僧居
白豆花開片雨餘
一榻茶煙

成偶睡覺來猶把讀殘書

舟歸江上過斜塘

漫漫村塘水沒沙
清明初過已無花
春寒欲雨歸心急
懶在扁舟問酒家

秋江晚渡圖

鷓鴣飛盡一洲蘋
帆帶秋雲度遠津
底事愁看畫中景
昨朝曾送渡江人

舟次丹陽驛

沽酒來尋水驛門
隣船燈火語黃昏
今朝始覺

離鄉遠身在丹陽郭外村

送郭省郎東歸

金陵兒女踏春陽金陵客子正思鄉一盃況復
送君去目斷飛花江水長
桃葉渡頭聞唱歌孤帆欲發奈愁何君歸是我
來時路山水無多離思多

客中憶二女

每憶門前兩候歸客中長夜夢魂飛料應此際
猶依母燈下看縫寄我衣

雨中過山

春雲掩靄澗奔渾風雨行人過一村不似山家
深竹裏乳鳩啼午未開門

哀安

洛下人家懶去干閉門僵臥雪漫漫立朝不附
熏天勢應爲平生耐得寒

二喬觀兵書圖

共憑花几倚新妝玉女陰符讀幾行銅雀那能
鎖春色解將奇策教周郎

江行

家家漁網映迴橋春水初生沒樹腰客路江南
煙雨裏綠蕪芳草恨迢迢

背向美人圖

欲呼回首不知名背立東風幾許情莫道畫師
元不見傾城雖見畫難成

風雨早朝

漏屋雞鳴起濕煙寒驢難借強朝天卻思春水
江南听閒聽蓬聲臥釣船

江上雨中

江漲隨漚欲到門濕雲依樹易黃昏幽居常日
無來客何況瀟瀟雨滿村

過北莊訪友

淺水平沙凍鴨眠秋聲和雁石橋邊尋君兼得
尋詩典野樹江雲欲雪天

宣和所題畫

御翰親題畫最工踈枝野鳥怨秋風那知回首
宣和殿物色淒涼與畫同

送徐山浩師還郭

欲共歸舟懶入城再三難判別時情聊題詩卷
投君袖相伴秋江此日行

紅梅

春暈冰綃倚竹低羅浮卻似武陵溪詩人從此
來相覓雪滿空山不復迷

題桂花美人

桂花庭院月紛紛按罷霓裳酒半醺折得一枝
攜蒲袖羅衣今夜不須薰

送李丞之歸安

茗花微雨落秋汀一路青山棹幾亭預喜哦詩
無俗吏兩松相對縣丞廳

田舍夜春

新婦舂糧獨睡遲夜寒茅屋雨來時燈前每囑
兒休哭明日行人要早炊

讀周記室荆南集

生別猶疑不再逢楚天雲樹隔重重愁來讀盡
荆南藁風雨空齋掩暮鐘

贈真上人

花下攜琴見此僧自言開法在金陵十年江海
遊應遍老去空山對一燈

題道上人墨梅

笛裏寒梢蕊自開幾季風雨不生苔山窗夜半
禪初定應喜無香觸鼻來

元夕聞城中放燈寄諸友

江邊寒雪閉寒扉坐戀梅花未解衣卻憶今宵
滿城月看燈人醉踏歌歸

題瀑布泉

千山雲頂一泉飛仰面時驚雨濕衣彷彿香爐
峰下看滿溪紅葉訪僧歸

春睡圖

妝殘嬌睡帶餘醒鸚鵡當窗不敢驚誰信上陽
宮內女一春愁絕夢難成

巨然小景

隔溪山閣映秋開坐久鐘聲度水來遙指石橋
村樹杪一僧歸處是天台

中秋無月無酒
天台
桂樹香寒掩畫樓
江雲黯淡蔽天秋
道人莫喚
嫦娥出照見空樽
卻
是愁

慰人悼亡

朱字筵篔委網塵
月明不見理絲人
鏡臺窗下
櫻桃樹應是當年
折剩春

石倉十二代詩選

明詩卷之十三終

程